

## REGLUGERÐ

### um breytingu á reglugerð um þvingunaraðgerðir varðandi Úkraínu, nr. 281/2014.

#### 1. gr.

##### *Þvingunaraðgerðir.*

Eftirfarandi töluliðir skulu bætast við 1. mgr. 2. gr. reglugerðarinnar, í rétttri númeraröð:

- 3.73 Ákvörðun ráðsins (SSUÖ) 2023/2871 frá 18. desember 2023 um breytingu á ákvörðun 2014/145/SSUÖ um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu, sbr. fylgiskjal 3.73.
- 4.81 Reglugerð ráðsins (ESB) 2023/2873 frá 18. desember 2023 um breytingu á reglugerð (ESB) nr. 269/2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu, sbr. fylgiskjal 4.81.
- 7.33 Ákvörðun ráðsins (SSUÖ) 2023/2874 frá 18. desember 2023 um breytingu á ákvörðun 2014/512/SSUÖ um þvingunaraðgerðir í ljósi aðgerða Rússlands sem grafa undan stöðugleika í Úkraínu, sbr. fylgiskjal 7.33.
- 8.25 Reglugerð ráðsins (ESB) 2023/2878 frá 18. desember 2023 um breytingu á reglugerð (ESB) nr. 833/2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu, sbr. fylgiskjal 8.25.

#### 2. gr.

##### *Gildistaka o.fl.*

Reglugerð þessi, sem er sett með heimild í 6. gr. laga um framkvæmd alþjóðlegra þvingunaraðgerða og frystingu fjármuna nr. 68/2023, öðlast þegar gildi.

*Utanríkisráðuneytinu, 1. febrúar 2024.*

**Bjarni Benediktsson.**

*Martin Eyjólfsson.*

**Fylgiskjal 3.73.****ÁKVÖRDUN RÁÐSINS (SSUÖ) 2023/2871****frá 18. desember 2023****um breytingu á ákvörðun 2014/145/SSUÖ um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu**

RÁÐ EVRÓPUSAMBANDSINS HEFUR,

með hliðsjón af sáttmálanum um Evrópusambandið, einkum 29. gr.,

með hliðsjón af tillögu frá æðsta fulltrúa Sambandsins í utanríkis- og öryggismálum,

og að teknu tilliti til eftirfarandi:

- 1) Hinn 17. mars 2014 samþykkti ráðið ákvörðun 2014/145/SSUÖ<sup>(1)</sup>.
- 2) Í ályktunum sínum frá 26. og 27. október 2023 ítrekaði leiðtogaráðið einbeitta fordæmingu sína á árásarstríði Rússlands gegn Úkraínu, sem er augljóst brot á sáttmála Sameinuðu þjóðanna, og áréttaði að Sambandið styður enn staðfastlega sjálfstæði, fullveldi og landamærahelgi Úkraínu innan alþjóðlega viðurkenndra landamæra hennar og sjálfgefinn rétt hennar til að verja sig gegn árásum Rússlands. Leiðtogaráðið lýsti því einnig yfir að veikja verði enn frekar getu Rússlands til að heyja árásarstríð, s.s. með enn frekari eflingu refsiaðgerða og fullri og skilvirkri framkvæmd þeirra og með því að koma í veg fyrir sniðgöngu þeirra, einkum hvað varðar vörur sem mikil áhætta fylgir, í nánu samstarfi við samstarfsaðila og bandamenn.
- 3) Í ljósi þess hversu alvarlegt ástandið er þykir rétt að innleiða frekari þvingunaraðgerðir.
- 4) Einkum telur ráðið að bæta ætti 61 aðila og 86 rekstrareiningum, sem bera ábyrgð á aðgerðum sem grafa undan eða ógna landamærahelgi, fullveldi og sjálfstæði Úkraínu, á skrána yfir aðila, rekstrareiningar og stofnanir sem þvingunaraðgerðir taka til, sem sett er fram í viðaukanum við ákvörðun 2014/145/SSUÖ.
- 5) Enn fremur ætti að rýmka viðmiðanir vegna skráningar þannig að þær taki til einstaklinga, lögaðila, rekstrareininga eða stofnana sem hafa hag af því að eignarhald eða yfirráð yfir rekstrareiningum með staðfestu í Rússlandi sem voru áður í eigu eða undir stjórn rekstrareininga í Sambandinu séu yfirfærð með valdi. Einnig þykir rétt að setja fram við hvaða skilyrði ráðið getur haldið nafni látins einstaklings á skránni yfir einstaklinga, lögaðila, rekstrareiningar eða stofnanir sem sæta frystingu eigna og banni við því að gera fjármuni og efnahagslegan auð aðgengilegan þegar það telur líkur á að viðkomandi eignir myndu ella verða notaðar til að fjármagna árásarstríð Rússlands gegn Úkraínu eða aðrar aðgerðir sem grafa undan eða ógna landamærahelgi, fullveldi og sjálfstæði Úkraínu.
- 6) Enn fremur er rétt að taka upp undanþágu sem heimilar að frystir fjármunir eða efnahagslegur auður verði affrystur þegar aðildarríki hefur ákveðið að svipta, í þágu almannahagsmuna, einstakling, lögaðila, rekstrareiningu eða stofnun sem er á skrá fjármunum eða efnahagslegum auði sem tilheyrir, er í eigu eða undir stjórn viðkomandi aðila, rekstrareiningar eða stofnunar, og að fjármunir og efnahagslegur auður verði gerður aðgengilegur slíkum aðila, rekstrareiningu eða stofnun í þeim tilgangi að greiða bætur, að því tilskildu að slíkar bætur séu frystar.
- 7) Einnig er rétt að taka upp undanþágu frá frystingu eigna og banni við því að gera fjármuni og efnahagslegan auð aðgengilegan til að hægt verði að selja eða nýta hluti í eða eignir rekstrareininga með staðfestu í Rússlandi þar sem rússnesk stjórnvöld hafa yfirfært með valdi eignarhald eða yfirráð lögaðila Sambandsins yfir þeirri rekstrareiningu. Slík undanþága myndi m.a. gera það kleift að greiða lögaðilum Sambandsins umsamdar og fullnægjandi bætur.
- 8) Einnig þykir rétt að framlengja frest gildandi undanþágu til þess að unnt sé að ganga frá greiðslum af hálfu umboðsráðs gyðinga (e. *Jewish Claims Conference*) fyrir milligöngu skráðs banka. Einnig þykir rétt að taka upp undanþágu til að hægt sé að ganga frá tilteknum greiðslum skaðleysisbóta eða bóta vegna framkominnar áhættu sem tekur til nýlega skráðs váttryggingafélags og fella þessa nýlega skráðu rekstrareiningu undir gildandi undanþágu sem nær sem stendur til tiltekinna skráðra banka, sem gerir það kleift að kaupa, flytja inn eða flytja landbúnaðarafurðir og matvæli.
- 9) Einnig þykir rétt að taka upp tímabundna undanþágu frá frystingu eigna og banni við því að gera fjármuni og efnahagslegan auð aðgengilegan til þess að hægt sé að selja og yfirfæra eignarrétt, í beinni eða óbeinni eigu tiltekinna skráðra einstaklinga, lögaðila, rekstrareininga eða stofnana, í lögaðila, rekstrareiningu eða stofnun með staðfestu í Sambandinu.

- 10) Að auki þykir rétt að taka upp undanþágu frá frystingu fjármuna og banni við því að gera fjármuni og efnahagslegan auð aðgengilegan til þess að unnt sé að slíta samningum sem gerðir hafa verið við nýlega skráða rekstrareiningu.
- 11) Loks þykir rétt að gera tæknilegar breytingar á megingreinaum og skilgreina umfang tiltekinna skýrslugjafarskyldu og taka upp þá skyldu lögbærra innlendra stjórnvalda í aðildarríkjunum að tilgreina, í samræmi við landslöggjöf, lögbær innlend stjórnvöld sem eiga að greina og rekja, eftir því sem við á, fjármuni og efnahagslegan auð sem tilheyra eða eru í eigu, vörslu eða undir stjórn skráðra einstaklinga, lögaðila, rekstrareininga eða stofnana með það fyrir augum að koma í veg fyrir eða greina brot eða sniðgöngu, eða tilraunir gerðar til slíks, á ákvörðun ráðsins 2014/512/SSUÖ<sup>(2)</sup> og reglugerð ráðsins (ESB) nr. 269/2014<sup>(3)</sup>. Sú skylda að tilgreina stjórnvöld krefst ekki endilega þess að aðildarríkin komi á fót nýju stjórnvaldi.
- 12) Frekari aðgerða er þörf af hálfu Evrópusambandsins til þess að hrinda tilteknum aðgerðum í framkvæmd.
- 13) Því ætti að breyta ákvörðun 2014/145/SSUÖ til samræmis við það.

#### SAMÞYKKT ÁKVÖRÐUN ÞESSA:

##### 1. gr.

Ákvörðun 2014/145/SSUÖ er breytt sem hér segir:

- 1) Ákvæðum 1. gr. er breytt sem hér segir:
  - a) Eftirfarandi liður bætist við 1. mgr.:
 

„g) einstaklingar sem hafa hag af því að eignarhald eða yfirráð yfir rekstrareiningum með staðfestu í Rússlandi sem voru áður í eigu eða undir yfirráðum rekstrareininga í Sambandinu séu yfirfærð með valdi, þar sem stjórnvöld í Rússneska sambandsríkinu framkvæma slíka yfirfærslu á grundvelli laga, reglna, annarra lagagerninga eða annarra aðgerða opinbers, rússnesks stjórnvalds, og einstaklingar sem hafa verið skipaðir í stjórnir slíkra rekstrareininga í Rússlandi án samþykkis viðkomandi rekstrareininga í Sambandinu sem áttu þau áður eða höfðu yfir þeim yfirráð.“
  - b) Eftirfarandi málsgrein er bætt við:
 

„6a. Aðildarríki geta veitt undanþágur frá þeim ráðstöfunum sem kveðið er á um í 1. mgr. ef koma inn á eða gegnumferð um yfirráðasvæði þeirra er nauðsynleg til þess að meðferð dómstóla geti farið fram, m.a. málsmeðferð vegna afhendingar og framsals.“
  - c) Í stað 8. mgr. kemur eftirfarandi:
 

„8. Þegar aðildarríki heimilar, skv. 3. mgr., 4. mgr., 6. mgr., 6. mgr. a og 7. mgr., komu aðila, sem eru á skrá í viðaukanum, inn á yfirráðasvæði sitt eða ferð þeirra um það skal heimildin takmörkuð við þann tilgang sem liggur að baki veitingu hennar og viðkomandi aðila.“
- 2) Ákvæðum 2. gr. er breytt sem hér segir:
  - a) Eftirfarandi liður bætist við 1. mgr.:
 

„j) rekstrareininga með staðfestu í Rússlandi, sem voru áður í eigu eða undir yfirráðum rekstrareininga með staðfestu í Sambandinu, þar sem stjórnvöld í Rússneska sambandsríkinu hafa yfirfært með valdi eignarhald eða yfirráð á grundvelli laga, reglna, annarra lagagerninga eða annarra aðgerða opinbers, rússnesks stjórnvalds, eða einstaklinga, lögaðila, rekstrareininga eða stofnana sem hafa haft hag af slíkri yfirfærslu, og einstaklinga sem hafa verið skipaðir í stjórnir slíkra rekstrareininga í Rússlandi án samþykkis viðkomandi rekstrareininga í Sambandinu sem áttu þau áður eða höfðu yfir þeim yfirráð.“
  - b) Eftirfarandi málsgrein er bætt við:
 

„1a. Ef einstaklingar, sem eru á skrá í viðaukanum, látast á gildistíma þvingunaraðgerðanna getur ráðið haldið nöfnum látinna einstaklinga á þeirri skrá ef afskráning þeirra kynni að leiða til hættu á því að grafið verði undan markmiðum þvingunaraðgerða Sambandsins þar sem líkur eru á að viðkomandi eignir myndu ella verða nýttar til að fjármagna árásarstríð Rússlands í Úkraínu eða aðrar aðgerðir til að grafa undan eða ógna landamærahelgi, fullveldi og sjálfstæði Úkraínu.“
  - c) Eftirfarandi málsgreinum er bætt við:
 

„4a. Þrátt fyrir 1. og 2. mgr. geta lögbær stjórnvöld aðildarríkis heimilað að tilteknir frystir fjármunir eða efnahagslegur auður verði affrustur, eða að tilteknir fjármunir eða efnahagslegur auður verði gerður aðgengilegur, eftir að hafa gengið úr skugga um að dóms- eða stjórnvald aðildarríkis hafi tekið ákvörðun, samkvæmt skilyrðum laga, um að svipta, í þágu almannahagsmuna, einstakling, lögaðila, rekstrareiningu eða stofnun, sem er á skrá í viðaukanum, fjármunum eða efnahagslegum auði sem tilheyri, er í eigu eða

undir stjórn slíks aðila, rekstrareiningar eða stofnunar, að því tilskildu að bætur fyrir slíka sviptingu fjármagns eða efnahagslegs auðs séu frystar.

Hlutaðeigandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem er veitt samkvæmt þessari málsgrein.

4b. Þrátt fyrir 1. og 2. mgr. geta lögbær stjórnvöld í aðildarríkjunum heimilað að tilteknir frystir fjármunir eða efnahagslegur auður, sem tilheyrir einstaklingum, lögaðilum, rekstrareiningum eða stofnunum sem eru á skrá í I. viðauka skv. j-lið 1. mgr. 2. gr., verði affrystur, eða að tilteknir fjármunir eða efnahagslegur auður verði gerður aðgengilegur viðkomandi einstaklingum, lögaðilum, rekstrareiningum eða stofnunum samkvæmt þeim skilyrðum sem þau telja viðeigandi, eftir að hafa gengið úr skugga um að þessir fjármunir eða efnahagslegur auður sé nauðsynlegur til að selja eða nýta hluti í eða eignir lögaðila, rekstrareininga eða stofnana með staðfestu í Rússlandi sem eru á skrá í viðaukanum skv. j-lið 1. mgr. 2. gr., til greiða þá þóknun sem aðilarnir hafa samþykkt sín á milli eða bætur samkvæmt ákvörðun dóms- eða stjórnvalds eða sem mælt er fyrir um í lögum í tengslum við yfirfærslu stjórnvalda Rússneska sambandsríkisins á eignarhaldi eða yfirráðum með valdi. Þessi málsgrein gildir ekki í tengslum við frysta fjármuni eða efnahagslegan auð í vörslu verðbréfamíðstöðva í skilningi reglugerðar Evrópuþingsins og ráðsins (ESB) nr. 909/2014<sup>(1)</sup>.

Hlutaðeigandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem er veitt samkvæmt þessari málsgrein.“

d) Í stað fyrstu undirgreinar 17. mgr. kemur eftirfarandi:

„17. Þrátt fyrir 1. og 2. mgr. geta lögbær stjórnvöld aðildarríkis heimilað að tilteknir frystir fjármunir eða efnahagslegur auður, sem tilheyrir þeim rekstrareiningum sem skráðar eru undir færslunúmer 53, 54, 55, 79, 80, 81, 82, 108, 126, 127, 198, 199, 200, 214, 215 og 270 undir fyrirsögninni „Rekstrareiningar“ í viðaukanum, verði affrystur eða tilteknir fjármunir eða efnahagslegur auður verði gerður aðgengilegur þessum rekstrareiningum, samkvæmt þeim skilyrðum sem lögbær stjórnvöld telja viðeigandi og eftir að hafa ákvarðað að slíkir fjármunir eða efnahagslegur auður sé nauðsynlegur vegna kaupa, innflutnings eða flutnings á landbúnaðarafurðum og matvælum, þ.m.t. hveiti og áburði.“

e) Í stað 21. mgr. kemur eftirfarandi:

„21. Þrátt fyrir 1. og 2. mgr. geta lögbær stjórnvöld aðildarríkis heimilað að tilteknir frystir fjármunir eða efnahagslegur auður, sem tilheyrir rekstrareiningunum sem skráðar eru undir færslunúmer 198, 199 og 200 undir fyrirsögninni „Rekstrareiningar“ í viðaukanum, verði affrystur eða tilteknir fjármunir eða efnahagslegur auður verði gerður aðgengilegur þessum rekstrareiningum, samkvæmt þeim skilyrðum sem lögbær stjórnvöld telja viðeigandi og eftir að hafa ákvarðað að slíkir fjármunir eða efnahagslegur auður sé nauðsynlegur til að slíta rekstri, samningum eða öðru samkomulagi fyrir 26. ágúst 2023, þ.m.t. millibankatengslum, sem gert var við þessar rekstrareiningar fyrir 25. febrúar 2023, eða, að því er varðar rekstrareininguna sem skráð er undir færslunúmeri 198 undir fyrirsögninni „Rekstrareiningar“ í viðaukanum, fyrir færslur vegna greiðslu fjármuna af hálfu umboðsráðs gyðinga (e. Jewish Claims Conference) til bótaþega í Rússneska sambandsríkinu fyrir 31. desember 2024, án tillits til þess hvenær rekstur, samningar eða önnur samkomulög voru gerð. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er samkvæmt þessari málsgrein innan tveggja vikna frá því að hún er veitt.“

f) Í stað 27. mgr. kemur eftirfarandi:

„27. Ákvæði 1. og 2. mgr. gilda ekki um fjármuni eða efnahagslegan auð sem nauðsynlegur er fyrir veitingu lóðsþjónustu sem er nauðsynleg í þágu siglingaöryggis.“

g) Eftirfarandi málsgreinum er bætt við:

„28. Þrátt fyrir 1. og 2. mgr. geta lögbær stjórnvöld í aðildarríki heimilað að tilteknir frystir fjármunir eða efnahagslegur auður, sem tilheyrir rekstrareiningunni sem skráð er undir færslunúmer 270 undir fyrirsögninni „Rekstrareiningar“ í viðaukanum, verði affrystur samkvæmt þeim skilyrðum sem lögbær stjórnvöld telja viðeigandi og eftir að hafa ákvarðað að:

- a) slík heimild sé nauðsynleg til að heimila greiðslu sem rekstrareiningin, sem skráð er undir færslunúmer 270 undir fyrirsögninni „Rekstrareiningar“ í viðaukanum, skal inna af hendi til rekstrareiningar með staðfestu í Sambandinu, í landi sem á aðild að Evrópska efnahagssvæðinu, í Sviss eða í samstarfslandi sem skráð er í VII. viðauka við ákvörðun 2014/512/SSUÖ, eða til ríkisborgara eða íbúa aðildarríkis, lands sem á aðild að Evrópska efnahagssvæðinu, Sviss eða samstarfslands sem skráð er í VII. viðauka við ákvörðun 2014/512/SSUÖ, og

- b) slík greiðsla teljist skaðleysisbætur eða bætur sem veittar eru eftir framkomna hættu og sé ekki brot á 2. mgr. 2. gr. þessarar ákvörðunar.

29. Þrátt fyrir 1. og 2. mgr. geta lögbær stjórnvöld aðildarríkis heimilað, samkvæmt þeim skilyrðum sem þau telja viðeigandi, að tilteknir frystir fjármunir eða efnahagslegur auður verði affrystur eða að tilteknir fjármunir eða efnahagslegur auður verði gerður aðgengilegur einstaklingunum sem skráðir eru undir færslunúmer 92, 674, 675, 694, 880, 882, 909 og 920 undir fyrirsögninni „Aðilar“ í viðaukanum og rekstrareiningunum sem skráðar eru undir færslunúmer 38 og 39 undir fyrirsögninni „Rekstrareiningar“ í viðaukanum, eftir að hafa ákvarðað að:

- a) fjármunirnir eða efnahagslegi auðurinn sé nauðsynlegur vegna sölu og yfirfærslu eignarréttar fyrir 30. júní 2024 í beinni eða óbeinni eigu eins þessara einstaklinga eða rekstrareininga í lögaðila, rekstrareingu eða stofnun með staðfestu í Sambandinu og
- b) að ágóði af slíkri sölu og yfirfærslu sé frystur.

30. Þrátt fyrir 1. og 2. mgr. geta lögbær stjórnvöld aðildarríkis, samkvæmt þeim skilyrðum sem þau telja viðeigandi, heimilað að tilteknir frystir fjármunir eða efnahagslegur auður, sem tilheyrir rekstrareiningunni sem skráð er undir færslunúmer 333 undir fyrirsögninni „Rekstrareiningar“ í viðaukanum, verði affrystur eða tilteknir fjármunir eða efnahagslegur auður verði gerður aðgengilegur þessari rekstrareingu, eftir að hafa ákvarðað að slíkir fjármunir eða efnahagslegur auður sé nauðsynlegur til að slíta, eigi síðar en 19. júní 2024, samningum sem gerðir voru við þessa rekstrareingu fyrir 18. desember 2023.“

- 3) Eftirfarandi grein er bætt við:

„2. gr. a

Aðildarríkin skulu tilgreina, eigi síðar en 31. október 2024, lögbær innlend stjórnvöld sem eiga að greina og rekja, eftir því sem við á, fjármuni og efnahagslegan auð sem tilheyra eða eru í eigu, vörslu eða undir stjórn einstaklinga, lögaðila, rekstrareininga eða stofnana sem eru á skrá í viðaukanum og eru staðsettir í lögsögu þeirra, með það fyrir augum að koma í veg fyrir eða greina brot eða sniðgöngu á þeim bönnum sem sett eru fram í þessari ákvörðun og í reglugerð (ESB) nr. 269/2014.“

- 4) Viðaukanum við ákvörðun 2014/145/SSUÖ er breytt til samræmis við viðaukann við þessa ákvörðun.

2. gr.

Ákvörðun þessi öðlast gildi daginn sem hún birtist í Stjórnartíðindum Evrópusambandsins.

Gjört í Brussel 18. desember 2023.

*Fyrir hönd ráðsins,*

*forseti.*

P. NAVARRO RÍOS

(<sup>1</sup>) Ákvörðun ráðsins 2014/145/SSUÖ frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtið. ESB L 78, 17.3.2014, bls. 16).

(<sup>2</sup>) Ákvörðun ráðsins 2014/512/SSUÖ frá 31. júlí 2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu (Stjtið. ESB L 229, 31.7.2014, bls. 13).

(<sup>3</sup>) Reglugerð ráðsins (ESB) nr. 269/2014 frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtið. ESB L 78, 17.3.2014, bls. 6).

(<sup>4</sup>) Reglugerð Evrópuþingsins og ráðsins (ESB) nr. 909/2014 frá 23. júlí 2014 um bætt verðbréfauppgjör í Evrópusambandinu og um verðbréfamíðstöðvar og um breytingu á tilskipunum 98/26/EB og 2014/65/ESB og reglugerð (ESB) nr. 236/2012 (Stjtið. ESB L 257, 28.8.2014, bls. 1).

## VIÐAUKI

[Viðaukinn eru birtir á vef Stjórnartíðinda ESB: <http://data.europa.eu/eli/dec/2023/2871/oj>.

Listar yfir aðila, hluti, tækni eða annað viðfang þvingunaraðgerða, eru birtir á vef Stjórnartíðinda Evrópusambandsins. Síðari breytingar og uppfærslur viðaukanna öðlast sjálfkrafa gildi við birtingu á þeim vef, sbr. 3. mgr. 6. gr. laga um framkvæmd alþjóðlegra þvingunaraðgerða og frystingu fjármuna nr. 68/2023.

Vefur Stjórnartíðinda Evrópusambandsins er hér: <http://eurlex.europa.eu>.

Heildarlisti yfir aðila sem eru háðir frystingu fjármuna er hér: [https://ec.europa.eu/info/business-economy-euro/banking-and-finance/international-relations/restrictive-measures-sanctions\\_en#list.](https://ec.europa.eu/info/business-economy-euro/banking-and-finance/international-relations/restrictive-measures-sanctions_en#list.)

**Fylgiskjal 4.81.****REGLUGERÐ RÁÐSINS (ESB) 2023/2873****frá 18. desember 2023****um breytingu á reglugerð (ESB) nr. 269/2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu**

RÁÐ EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins, einkum 215. gr.,

með hliðsjón af ákvörðun ráðsins 2014/145/SSUÖ frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu<sup>(1)</sup>,

með hliðsjón af sameiginlegri tillögu frá æðsta fulltrúa Sambandsins í utanríkis- og öryggismálum og framkvæmdastjórn Evrópusambandsins,

*og að teknu tilliti til eftirfarandi:*

- 1) Með reglugerð ráðsins (ESB) nr. 269/2014<sup>(2)</sup> koma þær þvingunaraðgerðir til framkvæmda sem kveðið er á um í ákvörðun 2014/145/SSUÖ.
- 2) Hinn 18. desember 2023 samþykkti ráðið ákvörðun 2023/2871<sup>(3)</sup> um breytingu á ákvörðun 2014/145/SSUÖ. Ákvörðun (SSUÖ) 2023/2871 rýmkar viðmiðanir vegna skráningar þannig að þær taki til einstaklinga, lögaðila, rekstrareininga eða stofnana sem hafa hag af því að eignarhald eða yfirráð yfir rekstrareiningum með staðfestu í Rússlandi sem voru áður í eigu eða undir yfirráðum rekstrareininga í Sambandinu séu yfirfærð með valdi.
- 3) Með ákvörðun (SSUÖ) 2023/2871 er einnig sett fram við hvaða skilyrði ráðið getur haldið nafni látins einstaklings á skránni yfir einstaklinga, lögaðila, rekstrareiningar eða stofnanir, sem sæta frystingu eigna og banni við því að gera fjármuni og efnahagslegan auð aðgengilegan, þegar það telur líkur á að viðkomandi eignir myndu eða verða notaðar til að fjármagna árásarstríð Rússlands gegn Úkraínu eða aðrar aðgerðir sem grafa undan eða ógna landamærahelgi, fullveldi og sjálfstæði Úkraínu.
- 4) Með ákvörðun (SSUÖ) 2023/2871 er einnig innleidd undanþága sem heimilar að frystir fjármunir eða efnahagslegur auður verði affrystur þegar aðildarríki hefur ákveðið að svipta, í þágu almannahagsmuna, einstakling, lögaðila, rekstrareiningu eða stofnun sem er á skrá fjármunum eða efnahagslegum auði sem tilheyrir, er í eigu eða undir stjórn viðkomandi aðila, rekstrareiningar eða stofnunar, og að fjármunir og efnahagslegur auður verði gerður aðgengilegur slíkum aðila, rekstrareiningu eða stofnun í þeim tilgangi að greiða bætur, að því tilskildu að slíkar bætur séu frystar.
- 5) Með ákvörðun (SSUÖ) 2023/2871 er einnig innleidd undanþága frá frystingu eigna og banni við því að gera fjármuni og efnahagslegan auð aðgengilegan til að hægt verði að selja eða nýta hluti í eða eignir rekstrareininga með staðfestu í Rússlandi þar sem rússnesk stjórnvöld hafa yfirfært með valdi eignarhald eða yfirráð lögaðila Sambandsins yfir þeirri rekstrareiningu. Slík undanþága myndi m.a. gera það kleift að greiða lögaðilum Sambandsins umsamdar og fullnægjandi bætur.
- 6) Ákvörðun (SSUÖ) 2023/2871 framlengir einnig frest gildandi undanþágu til þess að unnt sé að ganga frá greiðslum af hálfu umboðsráðs gyðinga (e. Jewish Claims Conference) fyrir milligöngu banka á skrá og innleiðir undanþágu til að hægt sé að ganga frá tilteknum greiðslum skaðleysisbóta eða bóta vegna framkominnar áhættu sem tekur til nýlega skráðrar rekstrareiningar.
- 7) Með ákvörðun (SSUÖ) 2023/2871 er einnig innleidd tímabundin undanþága frá frystingu eigna og banni við því að gera fjármuni og efnahagslegan auð aðgengilegan til þess að hægt sé að selja og yfirfæra eignarrétt í beinni eða óbeinni eigu tiltekinna skráðra einstaklinga, lögaðila, rekstrareininga eða stofnana, í lögaðila, rekstrareiningu eða stofnun með staðfestu í Sambandinu.
- 8) Með ákvörðun (SSUÖ) 2023/2871 er einnig innleidd undanþága frá frystingu fjármuna og banni við því að gera fjármuni og efnahagslegan auð aðgengilegan til þess að unnt sé að slíta samningum sem gerðir hafa verið við nýlega skráða rekstrareiningu.
- 9) Ákvörðun (SSUÖ) 2023/2871 fellir einnig nýlega skráð váttryggingafélag undir gildandi undanþágu sem nær sem stendur til tiltekinna skráðra banka, sem gerir það kleift að kaupa, flytja inn eða flytja landbún- aðarafurðir og matvæli.
- 10) Með ákvörðun (SSUÖ) 2023/2871 eru einnig gerðar tæknilegar breytingar á megintextanum, umfang tiltekinna skýrslugjafarskyldu skilgreint og tekin upp skylda lögbærra innlendra stjórnvalda í aðildarríkjunum að tilgreina, í samræmi við landslögjöf, lögbær innlend stjórnvöld sem eiga að greina og rekja, eftir því

sem við á, fjármuni og efnahagslegan auð sem tilheyra eða eru í eigu, vörslu eða undir stjórn skráðra einstaklinga, lögaðila, rekstrareininga eða stofnana með það fyrir augum að koma í veg fyrir eða greina brot eða sniðgöngu, eða tilraunir sem gerðar eru til slíks, á reglugerð (ESB) nr. 269/2014. Sú skylda að tilgreina stjórnvöld krefst þessi ekki endilega þess að aðildarríkin komi á fót nýju stjórnvaldi.

- 11) Breytingarnar sem gerðar eru á ákvörðun 2014/145/SSUÖ með ákvörðun (SSUÖ) 2023/2871 falla undir gildissvið sáttmálans og því er lagasetning á vettvangi Sambandsins nauðsynleg til að hrinda þeim í framkvæmd, einkum til að tryggja sé að þeim sé beitt með samræmdum hætti í öllum aðildarríkjunum.
- 12) Því ætti að breyta reglugerð (ESB) nr. 269/2014 til samræmis við það.

SAMÞYKKT REGLUGERÐ ÞESSA:

*1. gr.*

Reglugerð (ESB) nr. 269/2014 er breytt sem hér segir:

- 1) Ákvæðum 3. gr. er breytt sem hér segir:

- a) Eftirfarandi liður bætist við 1. mgr.:

„j) rekstrareiningar með staðfestu í Rússlandi, sem voru áður í eigu eða undir yfirráðum rekstrareininga með staðfestu í Sambandinu, þar sem stjórnvöld í Rússneska sambandsríkinu hafa yfirfært með valdi eignarhald eða yfirráð á grundvelli laga, reglna, annarra lagagæringa eða annarra aðgerða opinbers, rússnesks stjórnvalds, eða einstaklinga, lögaðila, rekstrareininga eða stofnanir sem hafa haft hag af slíkri yfirfærslu, og einstaklinga sem hafa verið skipaðir í stjórnir slíkra rekstrareininga í Rússlandi án samþykkis viðkomandi rekstrareininga í Sambandinu sem áttu þau áður eða höfðu yfir þeim yfirráð.“

- b) Eftirfarandi málsgrein er bætt við:

„1a. Ef einstaklingar, sem eru á skrá í I. viðauka, látast á gildistíma þvingunaraðgerðanna getur ráðið haldið nöfnum látinna einstaklinga á þeirri skrá ef afskráning þeirra kynnir að leiða til hættu á því að grafið verði undan markmiðum þvingunaraðgerða Sambandsins þar sem líkur eru á að viðkomandi eignir myndu ella verða nýttar til að fjármagna árásarstríð Rússlands í Úkraínu eða aðrar aðgerðir til að grafa undan eða ógna landamærahelgi, fullveldi og sjálfstæði Úkraínu.“

- 2) Eftirfarandi greinar bætast við:

*„5. gr. a*

1. Þrátt fyrir 2. gr. geta lögbær stjórnvöld aðildarríkis heimilað að tilteknir frystir fjármunir eða efnahagslegur auður verði affrystur, eða að tilteknir fjármunir eða efnahagslegur auður verði gerður aðgengilegur, eftir að hafa gengið úr skugga um að dóms- eða stjórnvald aðildarríkis hafi tekið ákvörðun, samkvæmt skilyrðum laga, um að svipta, í þágu almannahagsmuna, einstakling, lögaðila, rekstrareiningu eða stofnun, sem er á skrá í I. viðauka, fjármunum eða efnahagslegum auði sem tilheyra, er í eigu eða undir stjórn slíks aðila, rekstrareininga eða stofnunar, að því tilskildu að bætur fyrir slíka sviptingu fjármagns eða efnahagslegs auðs séu frystar.

2. Hlutaðeigandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem er veitt skv. 1. mgr.

*5. gr. b*

1. Þrátt fyrir 2. gr. geta lögbær stjórnvöld í aðildarríkjunum heimilað að tilteknir frystir fjármunir eða efnahagslegur auður, sem tilheyra einstaklingum, lögaðilum, rekstrareiningum eða stofnunum sem eru á skrá í I. viðauka skv. j-lið 1. mgr. 3. gr., verði affrystur, eða að tilteknir fjármunir eða efnahagslegur auður verði gerður aðgengilegur viðkomandi einstaklingum, lögaðilum, rekstrareiningum eða stofnunum samkvæmt þeim skilyrðum sem þau telja viðeigandi, eftir að hafa gengið úr skugga um að þessir fjármunir eða efnahagslegur auður sé nauðsynlegur til að selja eða nýta hluti í eða eignir lögaðila, rekstrareininga eða stofnana með staðfestu í Rússlandi sem eru á skrá í I. viðauka skv. j-lið 1. mgr. 3. gr., til greiða þá þóknun sem aðilarnir hafa samþykkt sín á milli eða bætur samkvæmt ákvörðun dóms- eða stjórnvalds eða sem mælt er fyrir um í lögum í tengslum við yfirfærslu stjórnvalda Rússneska sambandsríkisins á eignarhaldi eða yfirráðum með valdi. Þessi málsgrein gildir ekki í tengslum við frysta fjármuni eða efnahagslegan auð í vörslu verðbréfamíðstöðva í skilningi reglugerðar Evrópuþingsins og ráðsins (ESB) nr. 909/2014<sup>(1)</sup>.

2. Hlutaðeigandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem er veitt skv. 1. mgr.“

- 3) Ákvæðum 6. gr. b er breytt sem hér segir:

- a) Í stað 2. mgr. d kemur eftirfarandi:

„2d. Þrátt fyrir 2. gr. geta lögbær stjórnvöld aðildarríkis heimilað að tilteknir frystir fjármunir eða efnahagslegur auður, sem tilheyrir þeim rekstrareiningum sem skráðar eru undir færslunúmer 198, 199 og 200 undir fyrirsögninni „Rekstrareiningar“ í I. viðauka, verði affrystur eða tilteknir fjármunir eða efnahagslegur auður verði gerður aðgengilegur þessum rekstrareiningum, samkvæmt þeim skilyrðum sem lögbær stjórnvöld telja viðeigandi og eftir að hafa ákvarðað að slíkir fjármunir eða efnahagslegur auður sé nauðsynlegur til að slíta, eigi síðar en 26. ágúst 2023, rekstri, samningum eða öðru samkomulagi, þ.m.t. millibankatengslum, sem gert var við þessar rekstrareiningar fyrir 25. febrúar 2023 eða, að því er varðar rekstrareininguna sem skráð er undir færslunúmer 198 undir fyrirsögninni „Rekstrareiningar“ í I. viðauka, fyrir færslur vegna greiðslu fjármuna af hálfu umboðsráðs gyðinga (e. Jewish Claims Conference) til bótaþega í Rússneska sambandsríkinu eigi síðar en 31. desember 2024, án tillits til þess hvenær viðkomandi rekstur, samningar eða annað samkomulag var gert.“

b) Eftirfarandi málgreinum er bætt við:

„5e. Þrátt fyrir 2. gr. geta lögbær stjórnvöld í aðildarríki heimilað að tilteknir frystir fjármunir eða efnahagslegur auður, sem tilheyrir rekstrareiningunni sem skráð er undir færslunúmer 270 og undir fyrirsögninni „Rekstrareiningar“ í I. viðauka, verði affrystur samkvæmt þeim skilyrðum sem lögbær stjórnvöld telja viðeigandi og eftir að hafa ákvarðað að:

- a) slíkt sé nauðsynlegt til að heimila greiðslu sem rekstrareiningin, sem skráð er undir færslunúmer 270 og undir fyrirsögninni „Rekstrareiningar“ í I. viðauka, skal inna af hendi til rekstrareiningar með staðfestu í Sambandinu, í landi sem á aðild að Evrópska efnahagssvæðinu, í Sviss eða í samstarfslandi sem skráð er í VIII. viðauka við reglugerð ráðsins (ESB) nr. 833/2014<sup>(\*)</sup>, eða til ríkisborgara eða íbúa aðildarríkis, lands sem á aðild að Evrópska efnahagssvæðinu, Sviss eða samstarfslands sem skráð er í VIII. viðauka við reglugerð (ESB) nr. 833/2014 og
- b) slík greiðsla teljist skaðleysisbætur eða bætur sem veittar eru eftir framkomna hættu og sé ekki brot á 2. mgr. 2. gr. þessarar reglugerðar.

5f. Þrátt fyrir 2. gr. geta lögbær stjórnvöld aðildarríkis heimilað, samkvæmt þeim skilyrðum sem þau telja viðeigandi, að tilteknir frystir fjármunir eða efnahagslegur auður verði affrystur eða að tilteknir fjármunir eða efnahagslegur auður verði gerður aðgengilegur einstaklingunum sem skráðir eru undir færslunúmer 92, 674, 675, 694, 880, 882, 909 og 920 undir fyrirsögninni „Aðilar“ í I. viðauka og rekstrareiningunum sem skráðar eru undir færslunúmer 38 og 39 undir fyrirsögninni „Rekstrareiningar“ í I. viðauka, eftir að hafa ákvarðað að:

- a) fjármunirnir eða efnahagslegi auðurinn sé nauðsynlegur vegna sölu og yfirfærslu eignarréttar fyrir 30. júní 2024 í beinni eða óbeinni eigu eins þessara einstaklinga eða rekstrareininga í lögaðila, rekstrareiningu eða stofnun með staðfestu í Sambandinu og
- b) að ágóði af slíkri sölu og yfirfærslu sé frystur.

5 g. Þrátt fyrir 2. gr. geta lögbær stjórnvöld aðildarríkis, samkvæmt þeim skilyrðum sem þau telja viðeigandi, heimilað að tilteknir frystir fjármunir eða efnahagslegur auður, sem tilheyrir rekstrareiningunni sem skráð er undir færslunúmer 333 undir fyrirsögninni „Rekstrareiningar“ í I. viðauka, verði affrystur eða tilteknir fjármunir eða efnahagslegur auður verði gerður aðgengilegur þessari rekstrareiningu, eftir að hafa ákvarðað að slíkir fjármunir eða efnahagslegur auður sé nauðsynlegur til að slíta, eigi síðar en 20. júní 2024, samningum sem gerðir voru við þessa rekstrareiningu fyrir 19. desember 2023.“

4) Í stað 1. mgr. 6. gr. e kemur eftirfarandi:

„1. Þrátt fyrir 2. gr. geta lögbær stjórnvöld aðildarríkis heimilað að tilteknir frystir fjármunir eða efnahagslegur auður, sem tilheyrir þeim rekstrareiningum sem skráðar eru undir færslunúmer 53, 54, 55, 79, 80, 81, 82, 108, 126, 127, 198, 199, 200, 214, 215 og 270 undir fyrirsögninni „Rekstrareiningar“ í I. viðauka, verði affrystur eða tilteknir fjármunir eða efnahagslegur auður verði gerður aðgengilegur þessum rekstrareiningum, samkvæmt þeim skilyrðum sem lögbær stjórnvöld telja viðeigandi og eftir að hafa ákvarðað að slíkir fjármunir eða efnahagslegur auður sé nauðsynlegur vegna kaupa, innflutnings eða flutnings á landbúnaðarafurðum og matvælum, þ.m.t. hveiti og áburði.“

5) Í stað 6. gr. f kemur eftirfarandi:

„6. gr. f

Ákvæði 2. gr. gilda ekki um fjármuni eða efnahagslegan auð sem nauðsynlegur er fyrir veitingu lóðspjónustu sem er nauðsynleg í þágu siglingaöryggis.“

6) Ákvæðum 8. gr. er breytt sem hér segir:



- a) Eftirfarandi undirgreinar bætast við í 1. mgr.:
- „Skuldbindingin í fyrstu undirgrein skal gilda með fyrirvara um innlendar eða aðrar viðeigandi reglur að því er varðar leynd upplýsinga í vörslu dómshyggju.“
- Að því er varðar fyrstu undirgrein skal trúnaður sem ríkir í samskiptum milli lögmanna og skjólstaðinga þeirra taka til trúnaðar í samskiptum sem varða lögfræðiráðgjöf sem veitt er af öðrum sérfræðingum með málflytninguleysi samkvæmt landslögum til að flytja mál fyrir skjólstaðinga sína fyrir dómstólum, að svo miklu leyti sem slík lögfræðiráðgjöf er veitt í tengslum við yfirstandandi eða væntanlega dómshyggju.“
- b) Eftirfarandi málsgrein er bætt við:
- „1d. Aðildarríkin skulu tilgreina, eigi síðar en 31. október 2024, lögbær innlend stjórnvöld sem eiga að greina og rekja, eftir því sem við á, fjármuni og efnahagslegan auð sem tilheyra eða eru í eigu, vörslu eða undir stjórn einstaklinga, lögaðila, rekstrareininga eða stofnana sem eru á skrá I. viðauka og eru staðsettir í lögsögu þeirra, með það fyrir augum að koma í veg fyrir eða greina brot eða sniðgöngu á þeim bönnum sem sett eru fram í þessari reglugerð.“

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 18. desember 2023.

*Fyrir hönd ráðsins,*

*forseti.*

P. NAVARRO RÍOS

(<sup>1</sup>) Stjtið. ESB L 78, 17.3.2014, bls. 16.

(<sup>2</sup>) Reglugerð ráðsins (ESB) nr. 269/2014 frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtið. ESB L 78, 17.3.2014, bls. 6).

(<sup>3</sup>) Ákvörðun ráðsins (SSUÖ) 2023/2871 frá 18. desember 2023 um breytingu á ákvörðun 2014/145/SSUÖ um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtið. ESB L, 2023/2871, 18.12.2023, ELI: <http://data.europa.eu/eli/dec/2023/2871/oj>).

(<sup>4</sup>) Reglugerð Evrópuþingsins og ráðsins (ESB) nr. 909/2014 frá 23. júlí 2014 um bætt verðbréfauppgjör í Evrópusambandinu og um verðbréfamiðstöðvar og um breytingu á tilskipunum 98/26/EB og 2014/65/ESB og reglugerð (ESB) nr. 236/2012 (Stjtið. ESB L 257, 28.8.2014, bls. 1).

(<sup>5</sup>) Reglugerð ráðsins (ESB) nr. 833/2014 frá 31. júlí 2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu (Stjtið. ESB L 229, 31.7.2014, bls. 1).

### **Fylgiskjal 7.33.**

#### **ÁKVÖRDUN RÁÐSINS (SSUÖ) 2023/2874**

**frá 18. desember 2023**

**um breytingu á ákvörðun 2014/512/SSUÖ um þvingunaraðgerðir í ljósi aðgerða Rússlands sem grafa undan stöðugleika í Úkraínu**

RÁÐ EVRÓPUSAMBANDSINS HEFUR,

með hliðsjón af sáttmálanum um Evrópusambandið, einkum 29. gr.,

með hliðsjón af tillögu frá æðsta fulltrúa Sambandsins í utanríkis- og öryggismálum,

og að teknu tilliti til eftirfarandi:

- 1) Hinn 31. júlí 2014 samþykkti ráðið ákvörðun 2014/512/SSUÖ(<sup>1</sup>).
- 2) Sambandið styður enn staðfastlega fullveldi og landamærahelgi Úkraínu.
- 3) Í ályktunum sínum frá 26. og 27. október 2023 ítrekaði leiðtogaráðið einbeitta fordæmingu sína á árásarstríði Rússlands gegn Úkraínu, sem er augljóst brot á sáttmála Sameinuðu þjóðanna, og áréttaði að Sambandið styður enn staðfastlega sjálfstæði, fullveldi og landamærahelgi Úkraínu innan alþjóðlega viðurkenndra landamæra hennar og sjálfgefinn rétt hennar til að verja sig gegn árásum Rússlands. Leiðtogaráðið lýsti því einnig yfir að veikja verði enn frekar getu Rússlands til að heyja árásarstríð, s.s. með enn frekari eflingu refsiaðgerða og fullri og skilvirkri framkvæmd þeirra og með því að koma í veg fyrir sniðgöngu þeirra, einkum hvað varðar vörur sem mikil áhætta fylgir, í nánú samstarfi við samstarfsaðila og bandamenn.

- 4) Í ljósi þess hversu alvarlegt ástandið er þykir rétt að innleiða frekari þvingunaraðgerðir.
- 5) Einkum álitur ráðið að viðeigandi sé að leggja bann við beinum eða óbeinum innflutningi, kaupum eða tilflutningi á demöntum frá Rússlandi. Bannið ætti að gilda um demanta sem eru upprunnir í Rússlandi, demanta sem fluttir eru út frá Rússlandi, demanta sem fluttir eru um Rússland og rússneska demanta sem unnir eru í öðrum þriðju löndum en Rússlandi. Bannið gildir frá og með 1. janúar 2024 um náttúrulega og syntetíska demanta sem eru ekki til notkunar í iðnaði, auk demantsskartgripa, og felur í sér innleiðingu í áföngum, frá 1. mars 2024 til 1. september 2024, á óbeinu banni við innflutningi á rússneskum demöntum sem eru unnir í öðrum þriðju löndum en Rússlandi, þ.m.t. á skartgripum með demöntum sem eiga uppruna sinn í Rússlandi. Innleiðing í áföngum á óbeinu innflutningsbanni tekur tillit til þess að nota þarf viðeigandi rekjanleikabúnað sem gerir kleift að beita skilvirkum framfylgdarráðstöfunum og lágmarkar truflanir fyrir markaðsaðila.
- 6) Bannið við rússneskum demöntum er hluti af átaki sjö helstu iðnríkja heims til að þróa alþjóðlega samræmt demtantabann sem miðar að því að svipta Rússland svo mikilvægri tekjulind. Til að bannið svipti Rússland í raun tekjum af námugreftri eftir demöntum þarf að gripa til aðgerða samhliða aðgerðum á öðrum helstu mörkuðum fyrir demanta, þ.m.t. takmarka innflutning á rússneskum demöntum sem unnir hafa verið í öðrum þriðju löndum en Rússlandi.
- 7) Rétt þykir að bæta 29 nýjum rekstrareiningum við skrána yfir lögaðila, rekstrareiningar og stofnanir, sem sett er fram í IV. viðauka við ákvörðun 2014/512/SSUÖ, þ.e. skrána yfir aðila, rekstrareiningar og stofnanir sem styðja beint við hergagnaiðnað í Rússlandi í árásarstríði þess gegn Úkraínu, sem eru látnar sæta þrengri takmörkunum á útflutningi að því er varðar vörur og tækni með tvíþætt notagildi, sem og vörur og tækni sem kunna að stuðla að tæknilegri eflingu í varnar- og öryggismálum Rússlands. Í ljósi þess lykilhlutverks sem rafeindaíhlutir gegna fyrir hergagnaiðnaðinn í Rússlandi í að styðja við árásarstríðið gegn Úkraínu er enn fremur viðeigandi að færa á skrána tilteknar rekstrareiningar í öðrum þriðju löndum en Rússlandi sem taka þátt í að sniðganga viðskiptahömlur, sem og tilteknar rússneskar rekstrareiningar sem taka þátt í þróun, framleiðslu og afhendingu rafeindaíhluta til hergagnaiðnaðarins í Rússlandi.
- 8) Rétt þykir að auka við skrána yfir hluti sem stuðla að hernaðarlegri og tæknilegri eflingu Rússlands eða þróun þess á sviði varnar- og öryggismála með því að bæta við hlutum sem Rússland hefur notað í árásarstríði sínu gegn Úkraínu og hlutum sem stuðla að þróun eða framleiðslu hernaðarkerfa þess, þ.m.t. íðefnum, litúmraflhöðum, hitastillum, jafnstraumshreyflum og stýrihreyflum fyrir ómönnuð loftför, vélaverkfærum og vélahlutum.
- 9) Rétt þykir að setja fram skrá yfir samstarfslönd sem beita röð þvingunaraðgerða varðandi innflutning á járn og stáli og röð ráðstafana vegna eftirlits með innflutningi sem eru í meginatriðum jafngildar ráðstöfunum sem eru settar fram í ákvörðun 2014/512/SSUÖ og reglugerð ráðsins (ESB) nr. 833/2014<sup>(2)</sup> og að framlengja tiltekin slitatímabil vegna innflutnings á tilteknum stálvörum.
- 10) Rétt þykir að leggja frekari útflutningshöft á vörur sem gætu einkum stuðlað að því að auka getu Rússlands á sviði iðnaðar.
- 11) Auk þess þykir rétt að innleiða frekari innflutningshöft á vörur sem afla umtalsverðra tekna fyrir Rússland og gera því þannig kleift að halda áfram árásarstríðinu gegn Úkraínu, s.s. fljótandi própangas, hrájárn og spegiljárn, koparvír, álvír, þynnur, rör og pípur. Kveðið er á um tilteknar undantekningar og umbreytingartímabil.
- 12) Auk þess er réttlætjanlegt að heimila aðildarríkjum að leyfa að inn í Sambandið komi persónulegir munir sem ekki eru verulegt áhyggjuefni að því er varðar sniðgöngu, s.s. persónulegar hreinlætisvörur eða föt sem ferðamenn klæðast eða hafa í farangri sínum og sem greinilega eru eingöngu ætluð til persónulegra nota þeirra eða aðstandenda þeirra. Rétt þykir einnig að innleiða undanþágu fyrir komu bifreiða með diplómátsk skráningarmerki inn í Sambandið og leyfa aðildarríkjum, til að auðvelda borgurum Sambandsins sem eru búsettir í Rússlandi komu inn í Sambandið, að heimila, með þeim skilyrðum sem þau telja viðeigandi, að bifreiðar borgara Sambandsins eða nánustu aðstandenda þeirra sem eru búsettir í Rússlandi og ferðast til Sambandsins komi inn í Sambandið, að því tilskildu að bifreiðarnar séu ekki til sölu og að akstur þeirra sé einungis í persónulegum tilgangi. Aðildarríkin mega setja reglur um stöðu bifreiða frá Rússlandi sem þegar eru á yfirráðasvæði Sambandsins.
- 13) Rétt þykir að innleiða frávik sem gerir kleift að veita lán til rekstrareininga, sem starfa í orkugeiranum í Rússlandi og heyra undir viðskiptabannið sem kveðið er á um í ákvörðun 2014/512/SSUÖ, með þeim skilyrðum sem þar er kveðið á um.
- 14) Í því skyni að tryggja afhendingaröryggi tiltekinna aðildarríkja þykir rétt að framlengja tilteknar undanþágur frá banninu við innflutningi frá Rússlandi á hráolíu og jarðolíuafurðum um ár til viðbótar.

- 15) Verðpakskerfið byggist á staðfestingarferli sem gerir rekstraraðilum í aðfangakeðju rússneskrar olíu sem flutt er á sjó kleift að sýna fram á að hún hafi verið keypt á verði sem er jafnt eða undir verðpakinu sem Verðpaksbandalagið hefur samþykkt. Í því skyni að styðja frekar við framkvæmd og fylgni við þessa tilhögun, ásamt því að styrkja hindranir gegn fölsun vottorða, þykir rétt að innleiða kröfu um að deila beri sundurliðuðum verðupplýsingum um aukakostnað, s.s. trygginga- og flutningskostnað, sé farið fram á það, innan allrar aðfangakeðju rússneska olíuiðnaðarins. Í samræmi við stigskipt kerfi Verðpaksbandalagsins um vottanir, sem mótar skyldur aðila um fylgni á grundvelli aðgangs þeirra að kaupverði á rússneskri hráolíu eða jarðolíuafurðum, ber þeim aðilum sem hafa aðgang að þessum upplýsingum, s.s. kaupmönnum og leigutökum skipa, að deila sundurliðuðu verðupplýsingunum. Aðilar sem eru neðar í aðfangakeðjunni, s.s. skipseigendur og váttryggjendur, ættu að geta aflað, með áreiðanleikakönnunum sínum, og deilt, sundurliðuðum kostnaðarupplýsingum frá aðilum sem eru nær uppruna slíkra upplýsinga. Lögbær stjórnvöld geta krafist hvaða aðila sem er um þessar upplýsingar, óháð því hvar þeir standa í aðfangakeðjunni, og hvenær sem er, til að staðfesta að verðpakskerfinu sé fylgt. Kveðið er á um videigandi umbreytingartímabil.
- 16) Styðja ætti framkvæmd og framfylgd verðpakskerfisins frekar með upplýsingaskiptum milli framkvæmdastjórnarinnar, með stuðningi Siglingaöryggisstofnunar Evrópu, og aðildarríkjanna til að bera kennsl á skip og rekstrareiningar sem viðhafa villandi viðskiptahætti með einum eða öðrum hætti, s.s. umskipun milli skipa sem notuð er til að fela uppruna eða áfangastað farms og misnotkun á sjálfvirka auðkenniskerfinu, þegar þau flytja rússneska hráolíu eða jarðolíuafurðir.
- 17) Í því skyni að innleiða gagnsæi varðandi sölu tankskipa, einkum notaðra flutningaskipa, sem nota mætti til að komast hjá innflutningsbanninu á rússneskri hráolíu eða jarðolíuafurðum og verðpakinu sem Verðpaksbandalagið hefur samþykkt, þykir rétt að kveða á um tilkynningarskyldu við sölu tankskipa til sérhvers þriðja lands og frávik frá banninu við sölu tankskipa til rússneskra aðila og rekstrareininga eða til notkunar í Rússlandi. Þessi skylda gildir um eiganda tankskips sem er ríkisborgari aðildarríkis, um einstakling sem er búsettur í aðildarríki og um lögaðila, rekstrareiningu eða stofnun með staðfestu í Sambandinu. Eigandinn, eða hver sá sem kemur fram fyrir hans hönd, ætti að tilkynna lögbærum stjórnvöldum um sérhverja slíka sölu sem fram hefur farið frá og með 5. desember 2022 og veita allar nauðsynlegar upplýsingar.
- 18) Í verðpakskerfinu er kveðið á um að undanskilja megi verðpakinu, sem Verðpaksbandalagið hefur samþykkt, sérstök verkefni sem eru nauðsynleg fyrir orkuöryggi tiltekinnna þriðju landa. Undanþáguna sem kveðið er á um í tengslum við Sakhalin-2 (Сахалин-2) verkefnið, sem er staðsett í Rússlandi, ætti að framlengja til 28. júní 2024 til að tryggja orkuöryggisþörf Japans.
- 19) Í því skyni að takmarka enn frekar sniðgöngu á banninu við að veita rússneskum aðilum og íbúum þjónustu tengda sýndareignaveski, sýndareignareikningi eða fjárvörslu sýndareigna þykir rétt að leggja bann við því að rússneskir ríkisborgarar eða einstaklingar með búsetu í Rússlandi eigi eða stjórn lögaðilum, rekstrareiningum eða stofnunum sem veita slíka þjónustu, eða gegni störfum í stjórnun þeirra.
- 20) Að auki þykir rétt að víkka út gildandi bann við að veita þjónustu þannig að það nái einnig til þess að útvega hugbúnað til fyrirtækjastjórnunar og hugbúnað til hönnunar og framleiðslu á sviði iðnaðar, með videigandi undanþágum og frávikum.
- 21) Í ljósi mikilvægis Paks II-verkefnisins fyrir hagsmuni Ungverjaland í tengslum við öryggi í orkuafhendingu, eiga undanþágur og frávik þessarar ákvörðunar varðandi kjarnorkuverkefni til borgaralegra nota að fullu við um allar vörur og þjónustu sem þarf til þess verkefnis.
- 22) Ráðið telur að það sé réttlæt看legt að leggja á tiltekna kröfu um skýrslugjöf vegna millifærslu fjármuna út úr Sambandinu af hálfu rekstrareininga með staðfestu í Sambandinu, þ.m.t. rekstrareininga um sérverkefni (e. Special Purpose Entities) sem eru í eigu rekstrareininga með staðfestu í Rússlandi, rússneskra ríkisborgara eða einstaklinga með búsetu í Rússlandi.
- 23) Ráðið telur rétt að krefjast þess að útflutningsaðilar banni samkvæmt samningi endurútflutning til Rússlands og endurútflutning til nota þar í landi á viðkvæmum vörum og tækni sem eru á skrá í XI, XX. og XXXV. viðauka við reglugerð (ESB) nr. 833/2014, almennum vörum með mikinn forgang (e. common high priority items) eða skotvopnum og skotfærum sem skráð eru í I. viðauka við reglugerð (ESB) nr. 258/2012.
- 24) Síðast en ekki síst er nauðsynlegt að gera tilteknar tæknilegar breytingar, m.a. með því að skipta út undanþágum frá tilteknum bönnum fyrir frávik, með því að bæta við undanþágum vegna einkanota, með því að kveða á um tilkynningarskyldu, með því að bæta við tilvísunum sem vantar í sumar greinar en sem komu fram í hliðstæðum greinum og með því að taka út tilvísanir til umbreytingartímabila sem eru útrunnin og aðrar tilvísanir sem eru ekki nauðsynlegar til að geta uppfyllt markmið tiltekins ákvæðis. Ekki er ætlunin að það að fella brott tilvísanir til umbreytingartímabila sem þegar eru útrunnin hafi nein réttaráhrif á fyrri eða yfirstandandi samninga eða á gildi þessara umbreytingartímabila.

25) Frekari aðgerða er þörf af hálfu Sambandsins til þess að hrinda tilteknum aðgerðum í framkvæmd.

26) Því ætti að breyta ákvörðun 2014/512/SSUÖ til samræmis við það.

SAMÞYKKT ÁKVÖRDUN ÞESSA:

*I. gr.*

Ákvörðun 2014/512/SSUÖ er breytt sem hér segir:

1) Í stað 6. og 7. mgr. 1. gr. kemur eftirfarandi:

„6. Lagt er bann við því að koma á, með beinum eða óbeinum hætti, fyrirkomulagi eða vera hluti af því varðandi gerð:

- i. nýrra lána með yfir 30 daga binditíma til lögaðila, rekstrareiningar eða stofnunar, sem um getur í 1. eða 3. mgr., á tímabilinu eftir 12. september 2014 til 26. febrúar 2022 eða
- ii. nýrra lána til lögaðila, rekstrareiningar eða stofnunar, sem um getur í 1., 2., 3. eða 4. mgr. eftir 26. febrúar 2022.

Bannið gildir ekki um:

- a) lán sem hafa það tilgreinda og skráða markmið að láta í té fjármögnun til innflutnings eða útflutnings á vörum og þjónustu sem er ekki fjármálaþjónusta, sem falla ekki undir bann, milli Sambandsins og þriðja ríkis, að meðtöldum útgjöldum vegna vara og þjónustu frá öðru þriðja ríki sem nauðsynleg eru til framkvæmdar á útflutnings- eða innflutningssamningum, að því tilskildu að lögbært innlent stjórnvald hafi fengið tilkynningu innan þriggja mánaða frá dagsetningu lánsins, eða
- b) lán sem hafa það tilgreinda og skráða markmið að láta í té neyðarfjármagn til að uppfylla viðmiðanir um gjaldþol og greiðsluhæfi vegna lögaðila með staðfestu í Sambandinu sem eru yfir 50% í eigu rekstrareiningar sem um getur í I. viðauka, að því tilskildu að lögbært innlent stjórnvald hafi fengið tilkynningu innan þriggja mánaða frá dagsetningu lánsins.

7. Bannið í 6. mgr. gildir ekki um lánanýtingu eða -greiðslur samkvæmt samningi sem gerður var fyrir 26. febrúar 2022, að því tilskildu að eftirfarandi skilyrði hafi verið uppfyllt:

- a) allir skilmálar og skilyrði slíkra lánanýtinga eða -greiðslna:
  - i. voru samþykkt fyrir 26. febrúar 2022 og
  - ii. hefur ekki verið breytt á þeim degi eða eftir þann dag,
- b) samningsbundinn gjalddagi fyrir fulla endurgreiðslu allra fjármuna sem gerðir voru aðgengilegir og fyrir niðurfellingu allra skuldbindinga, réttinda og skyldna samkvæmt samningnum var ákveðinn fyrir 26. febrúar 2022,
- c) þegar samningurinn var gerður braut hann ekki í bága við gildandi bönn í þessari ákvörðun á þeim tíma og
- d) lögbært innlent stjórnvald hefur fengið tilkynningu innan þriggja mánaða frá dagsetningu lánanýtingarinnar eða -greiðslanna.

Þeir skilmálar og skilyrði lánanýtingar og -greiðslna, sem um getur í a-lið, fela í sér ákvæði um lengd endurgreiðslutímabils fyrir hverja lánanýtingu eða -greiðslu, vexti eða aðferð við útreikning vaxta ásamt hámarksupphæð.“

2) Í stað 2. og 3. mgr. 1. gr. a kemur eftirfarandi:

„2. Lagt er bann við því að koma á, með beinum eða óbeinum hætti, fyrirkomulagi, eða vera hluti af því, varðandi veitingu nýrra lána til lögaðila, rekstrareininga eða stofnana sem um getur í 1. mgr. eftir 23. febrúar 2022.

Bannið gildir ekki um lán sem hafa það tilgreinda og skráða markmið að láta í té fjármögnun til innflutnings eða útflutnings á vörum og þjónustu sem er ekki fjármálaþjónusta, sem falla ekki undir bann, milli Sambandsins og þriðja ríkis, að meðtöldum útgjöldum vegna vara og þjónustu frá öðru þriðja ríki sem nauðsynleg eru til framkvæmdar á útflutnings- eða innflutningssamningum, að því tilskildu að lögbært innlent stjórnvald hafi fengið tilkynningu innan þriggja mánaða frá dagsetningu lánsins.

3. Bannið í 2. mgr. gildir ekki um lánanýtingu eða -greiðslur samkvæmt samningi sem gerður var fyrir 23. febrúar 2022, að því tilskildu að eftirfarandi skilyrði hafi verið uppfyllt:

- a) allir skilmálar og skilyrði slíkra lánanýtinga eða -greiðslna:
  - i. voru samþykkt fyrir 23. febrúar 2022 og

ii. hefur ekki verið breytt á þeim degi eða eftir þann dag,

- b) samningsbundinn gjalddagi fyrir fulla endurgreiðslu allra fjármuna sem gerðir voru aðgengilegir og fyrir niðurfellingu allra skuldbindinga, réttinda og skyldna samkvæmt samningnum var ákveðinn fyrir 23. febrúar 2022 og
- c) lögbært innlent stjórnvald hefur fengið tilkynningu innan þriggja mánaða frá dagsetningu lánanýtingarinnar eða -greiðslanna.

Þeir skilmálar og skilyrði lánanýtingar og -greiðslna, sem um getur í a-lið, fela í sér ákvæði um lengd endurgreiðslutímabils fyrir hverja lánanýtingu eða -greiðslu, vexti eða aðferð við útreikning vaxta ásamt hámarksupphæð.“

3) Ákvæðum 1. gr. aa er breytt sem hér segir:

- a) Ákvæði 2. mgr., 2. mgr. b og 2. mgr. d falla brott.
- b) Í stað inngangsorðanna í 3. mgr. kemur eftirfarandi:  
„Nema það sé bannað með öðrum hætti, gildir bannið í 1. mgr. ekki um.“
- c) Í stað d-liðar 3. mgr. kemur eftirfarandi:  
„d) viðskipti, þ.m.t. sölur, sem eru algerlega nauðsynleg vegna slita, fyrir 31. desember 2024, á fyrirtæki um sameiginlegt verkefni eða svipuðu lagalegu fyrirkomulagi sem gert er fyrir 16. mars 2022 og tekur til lögaðila, rekstrareiningar eða stofnunar sem um getur í 1. mgr.“
- d) Í 3. mgr. fellur h-liður brott.
- e) Í stað 3. mgr. a kemur eftirfarandi:  
„3a. Þrátt fyrir 1. mgr. geta lögbær stjórnvöld heimilað viðskipti, samkvæmt þeim skilyrðum sem þau telja viðeigandi, sem eru algerlega nauðsynleg til að rekstrareiningarnar sem um getur í 1. mgr. eða dótturfélög þeirra í Sambandinu geti, fyrir 31. desember 2024, losað um fjárfestingar sínar og dregið sig út úr lögaðila, rekstrareiningu eða stofnun með staðfestu í Sambandinu.“

4) Ákvæðum 1. gr. b er breytt sem hér segir:

- a) Eftirfarandi málsgrein er bætt við:  
„2a. Lagt er bann við því, frá og með 18. janúar 2024, að heimila rússneskum ríkisborgurum eða einstaklingum með búsetu í Rússlandi að eiga eða stjórna, með beinum eða óbeinum hætti, lögaðila, rekstrareiningu eða stofnun sem er skráð eða löglega stofnuð samkvæmt lögum aðildarríkis og veitir þá þjónustu sem um getur í 2. mgr., eða gegna störfum í stjórnun þeirra.“
- b) Í stað 3. mgr. kemur eftirfarandi:  
„3. Ákvæði 1. og 2. mgr. og 2. mgr. a gilda ekki um ríkisborgara aðildarríkis, lands sem á aðild að Evrópska efnahagssvæðinu eða Sviss eða um einstaklinga sem hafa tímabundið dvalarleyfi eða búsetuleyfi í aðildarríki, landi sem á aðild að Evrópska efnahagssvæðinu eða Sviss.“

5) Í stað a-liðar 2. mgr. 1. gr. h kemur eftirfarandi:

„a) til reksturs kjarnorkugetu til borgaralegra nota, viðhalds hennar, óvirkjunar og meðhöndlunar geislavirks úrgangs hennar, eldsneytisafhendningar og -endurmeðhöndlunar og öryggis hennar, og til að halda áfram hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnisins, sem og til afhendingar forefna til framleiðslu á geislavirkum samsætum til lækninga og svipaðrar læknisfræðilegrar notkunar, mikilvægrar tækni til vöktunar á geislun í umhverfinu, sem og til samstarfs um kjarnorku til borgaralegra nota, einkum á sviði rannsókna og þróunar,“.

6) Í stað d-liðar 2. mgr. 1. gr. i kemur eftirfarandi:

„d) rekstur kjarnorkugetu til borgaralegra nota, viðhald hennar, óvirkjun og meðhöndlun geislavirks úrgangs hennar, eldsneytisafhengingu og -endurmeðhöndlun og öryggi hennar, og áframhaldandi hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnið, sem og afhendingu forefna til framleiðslu á geislavirkum samsætum til lækninga og svipaðrar læknisfræðilegrar notkunar, mikilvæga tækni til vöktunar á geislun í umhverfinu, sem og samstarf um kjarnorku til borgaralegra nota, einkum á sviði rannsókna og þróunar,“.

7) Ákvæðum 1. gr. k er breytt sem hér segir:

- a) Í stað inngangsorðanna í 2. mgr. a kemur eftirfarandi:

- „2a. Lagt er bann við því að veita, beint eða óbeint, þjónustu á sviði markaðsrannsóknna og skoðanakannana, þjónustu tengda tæknilegum prófunum og greiningu og auglýsingaþjónustu.“
- b) Eftirfarandi málsgrein er bætt við:
- „2b. Lagt er bann við því að selja, afhenda, tilfæra, flytja út eða útvega eftirfarandi aðilum, beint eða óbeint, hugbúnað til fyrirtækjastjórnunar og hugbúnað til hönnunar og framleiðslu á sviði iðnaðar:
- ríkisstjórn Rússlands eða
  - lögaðilum, rekstrareiningum eða stofnunum með staðfestu í Rússlandi.“
- c) Ákvæði 3. og 4. mgr. og 4. mgr. a falla brott.
- d) Eftirfarandi málsgrein er bætt við:
- „3a. Lagt er bann við því að:
- veita ríkisstjórn Rússlands eða lögaðilum, rekstrareiningum eða stofnunum með staðfestu í Rússlandi beint eða óbeint tækniástoð, miðlunarþjónustu eða aðra þjónustu, sem tengist þeim vörum og þjónustu sem um getur í 1. og 2. mgr., 2. mgr. a og 2. mgr. b,
  - veita ríkisstjórn Rússlands eða lögaðilum, rekstrareiningum eða stofnunum með staðfestu í Rússlandi beint eða óbeint fjármögnun eða fjárhagsástoð sem tengist því að útvega þær vörur og þjónustu sem um getur í 1. og 2. mgr., 2. mgr. a og 2. mgr. b eða því að veita tengda tækniástoð, miðlunarþjónustu eða aðra þjónustu.“
- e) Eftirfarandi málsgrein er bætt við:
- „4b. Ákvæði 2. mgr. b gilda ekki um sölu, afhendingu, tilfærslu, útflutning eða útvegum hugbúnaðar sem er algerlega nauðsynlegur til að slíta, eigi síðar en 20. mars 2024, samningum sem eru ekki í samræmi við þessa grein og voru gerðir fyrir 19. desember 2023 eða fylgisamningum sem nauðsynlegir eru vegna framkvæmdar slíkra samninga.“
- f) Í stað 7. mgr. kemur eftirfarandi:
- „7. Ákvæði 1. og 2. mgr., 2. mgr. a og 2. mgr. b gilda ekki fyrr en 20. júní 2024 um veitingu þjónustu sem er eingöngu ætluð til einkanota lögaðila, rekstrareininga eða stofnana með staðfestu í Rússlandi sem eru í eigu eða lúta einvörðungu eða sameiginlegri stjórn lögaðila, rekstrareiningar eða stofnunar sem er skráð eða löglega stofnuð samkvæmt lögum aðildarríkis, lands sem á aðild að Evrópska efnahagssvæðinu, Sviss eða samstarfslands eins og skráð er í VII. viðauka.“
- g) Í stað 8. mgr. kemur eftirfarandi:
- „8. Ákvæði 2. mgr., 2. mgr. a og 2. mgr. b gilda ekki um sölu, afhendingu, tilfærslu, útflutning eða veitingu þjónustu sem er nauðsynleg vegna neyðarástands í heilbrigðismálum, til að koma án tafar í veg fyrir eða milda atburð sem líklegt má telja að hafi alvarleg og veruleg áhrif á heilbrigði og öryggi manna eða umhverfið eða til að bregðast við náttúruhamförum.“
- h) Ákvæði 9. mgr. falla brott.
- i. Eftirfarandi málsgrein er bætt við:
- „9b. Þrátt fyrir ákvæði 2. mgr. b geta lögbær stjórnvöld heimilað veitingu þeirrar þjónustu sem um getur þar, með þeim skilyrðum sem þau telja viðeigandi, eftir að hafa ákvarðað að þessi þjónusta sé nauðsynleg fyrir framlag rússneskra ríkisborgara til alþjóðlegra verkefna um opinn aðgang.“
- j) Ákvæðum 10. mgr. er breytt sem hér segir:
- Í stað inngangsorðanna kemur eftirfarandi:

„10. Þrátt fyrir ákvæði 1. mgr., 2. mgr., 2. mgr. a, 2. mgr. b og 3. mgr. a geta lögbær stjórnvöld heimilað þá þjónustu sem um getur í þeim, samkvæmt þeim skilyrðum sem þau telja viðeigandi, eftir að hafa ákvarðað að þetta sé nauðsynlegt.“
  - Í stað f-liðar kemur eftirfarandi:

„f) til að koma á fót kjarnorkugetu til borgaralegra nota, til reksturs hennar, viðhalds, eldsneytis-afhendingar og -endurmeðhöndlunar og öryggis hennar, og til að halda áfram hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnið, til afhendingar forefna til framleiðslu á geislavirkum samsætum til lækninga og svipaðrar læknisfræðilegrar notkunar, eða mikilvægrar tækni til vöktunar á geislun í umhverfinu, sem og til samstarfs um kjarnorku til borgaralegra nota, einkum á sviði rannsókna og þróunar.“

- c) Eftirfarandi lið er bætt við:
- „h) til einkanota lögaðila, rekstrareininga eða stofnana með staðfestu í Rússlandi sem eru í eigu eða lúta einvörðungu eða sameiginlegri stjórn lögaðila, rekstrareiningar eða stofnunar sem er skráð eða löglega stofnuð samkvæmt lögum aðildarríkis, lands sem á aðild að Evrópska efnahags-svæðinu, Sviss eða samstarfslands eins og skráð er í VII. viðauka.“
- k) Í stað 11. mgr. kemur eftirfarandi:
- „11. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 9. mgr. a, 9. mgr. b og 10. mgr. innan tveggja vikna frá því að hún er veitt.“
- 8) Í 1. gr. m fellur 2. mgr. brott.
- 9) Eftirfarandi grein er bætt við:
- „1. gr. n*
1. Lögaðilar, rekstrareiningar og stofnanir með staðfestu í Sambandinu sem, með beinum eða óbeinum hætti, eru yfir 40% í eigu:
- a) Lögaðila, rekstrareiningar eða stofnana með staðfestu í Rússlandi,
- b) rússnesks ríkisborgara eða
- c) einstaklings sem er búsettur í Rússlandi,
- skulu, frá og með 1. maí 2024, gefa lögbæru stjórnvaldi aðildarríkisins þar sem þau hafa staðfestu, innan tveggja vikna frá lokum hvers ársfjórðungs, skýrslu um allar millifærslur fjármuna, sem eru hærri en 100 000 evrur, út úr Sambandinu sem þau framkvæmdu á þeim ársfjórðungi, með beinum eða óbeinum hætti, í einni eða fleiri aðgerðum.
2. Þrátt fyrir gildandi reglur varðandi skýrslugjöf, trúnaðarkvaðir og þagnarskyldu skulu lána- og fjármála-stofnanir, frá og með 1. júlí 2024 gefa lögbæru stjórnvaldi aðildarríkisins þar sem þær eru staðsettar skýrslu, innan tveggja vikna frá lokum hvers sex mánaða tímabils, um allar millifærslur fjármuna út úr Sambandinu, sem nema samanlagðri fjárhæð sem fer yfir 100 000 evrur á því misseri, sem þær hófu með beinum eða óbeinum hætti, fyrir þá lögaðila, rekstrareiningar og stofnanir sem um getur í 1. mgr.
3. Aðildarríki skulu meta upplýsingarnar sem þeim berast í samræmi við 1. og 2. mgr., til að greina viðskipti, rekstrareiningar og fyrirtækjageira sem gefa til kynna alvarlega hættu á brotum eða sniðgöngu á þessari ákvörðun eða ákvörðunum ráðsins 2014/145/SSUÖ<sup>(\*)</sup>, 2014/386/SSUÖ<sup>(\*)</sup>, 2014/512/SSUÖ eða (SSUÖ) 2022/266<sup>(\*)</sup> eða reglugerðum ráðsins (ESB) nr. 269/2014<sup>(\*)</sup>, (ESB) nr. 833/2014<sup>(\*)</sup>, (ESB) nr. 692/2014<sup>(\*)</sup> eða (ESB) 2022/263<sup>(\*)</sup> eða notkun fjármuna í tilgangi sem ekki samrýmist þeim og skulu upplýsa hvert annað og framkvæmdastjórnina reglulega um niðurstöður sínar.“
4. Á grundvelli upplýsinganna sem berast frá aðildarríkjunum skv. 3. mgr. skal framkvæmdastjórnin endurskoða framkvæmd ráðstafananna, sem kveðið er á um í þessari grein, eigi síðar en 20. desember 2024.
- 10) Í stað c-liðar 4. mgr. 3. gr. kemur eftirfarandi:
- „c) ætlaðar til reksturs, viðhalds, eldsneytisendurmeðhöndlunar og öryggis kjarnorkugetu til borgaralegra nota, s.s. Paks II-verkefnisins, sem og samstarfs um kjarnorku til borgaralegra nota, einkum á sviði rannsókna og þróunar.“
- 11) Í stað c-liðar 4. mgr. 3. gr. a kemur eftirfarandi:
- „c) ætlaðar til reksturs, viðhalds, eldsneytisendurmeðhöndlunar og öryggis kjarnorkugetu til borgaralegra nota, s.s. Paks II-verkefnisins, sem og samstarfs um kjarnorku til borgaralegra nota, einkum á sviði rannsókna og þróunar.“
- 12) Í stað 4. og 5. mgr. 4. gr. kemur eftirfarandi:
- „4. Bönningin í 2. mgr. gilda ekki fyrr en 20. júní 2024 um veitingu trygginga eða endurtrygginga til handa lögaðila, rekstrareiningu eða stofnun sem er skráð eða löglega stofnuð samkvæmt lögum aðildarríkis að því er varðar starfsemi þeirra utan orkugeirans í Rússlandi.
5. Þrátt fyrir 2. mgr. geta lögbær stjórnvöld heimilað, með þeim skilyrðum sem þau telja viðeigandi, veitingu trygginga eða endurtrygginga eftir 20. júní 2024 til handa lögaðila, rekstrareiningu eða stofnun sem er skráð eða löglega stofnuð samkvæmt lögum aðildarríkis að því er varðar starfsemi þeirra utan orkugeirans í Rússlandi.“
- 13) Í 4. gr. a er eftirfarandi málsgrein bætt við:

„3a. Þrátt fyrir b-lið 1. mgr. þessarar greinar geta lögbær stjórnvöld heimilað, samkvæmt þeim skilyrðum sem þau telja viðeigandi, starfsemi sem um getur þar eftir að hafa ákvarðað, í samræmi við b-lið 3. mgr. 1. gr. aa, að slík starfsemi sé nauðsynleg til að tryggja rekstur gasverkefnis á djúpsævi í Miðjarðarhafinu þar sem lögaðili, rekstrareining eða stofnun, sem skráð er í X. viðauka, var minnihlutahluthafi fyrir 31. október 2017 og er enn, að því tilskildu að verkefnið sé undir fullum eða sameiginlegum yfirráðum eða rekstri lögaðila sem er skráður eða löglega stofnaður samkvæmt lögum aðildarríkis.“

14) Í 4. gr. d falla 5. mgr., 5. mgr. a, 5. mgr. b og 5. mgr. c brott.

15) Í stað d-liðar 5. mgr. 4. gr. ha kemur eftirfarandi:

„d) vegna flutnings á kjarnorkueldsneyti og öðrum vörum sem eru algerlega nauðsynlegar fyrir starfsemi kjarnorkugetu til borgaralegra nota, s.s. Paks II-verkefnisins.“

16) Ákvæðum 4. gr. i er breytt sem hér segir:

a) Í stað d-liðar 1. mgr. kemur eftirfarandi:

„d) að flytja inn eða kaupa, frá og með 30. september 2023, með beinum eða óbeinum hætti, járn- og stálvörur sem eru á skrá í XVII. viðauka við reglugerð (ESB) nr. 833/2014, sem eru unnar í þriðja landi og innihalda járn- og stálvörur sem eru upprunnar í Rússlandi og eru á skrá í XVII. viðauka við reglugerð (ESB) nr. 833/2014; að því er varðar vörur sem eru á skrá í XVII. viðauka við reglugerð (ESB) nr. 833/2014, sem unnar eru í þriðja landi og innihalda stálvörur sem eru upprunnar í Rússlandi með SN-númer 7207 11, 7207 12 10 eða 7224 90, gildir þetta bann frá og með 1. apríl 2024 fyrir SN-númer 7207 11 og frá og með 1. október 2028 fyrir SN-númer 7207 12 10 og 7224 90.

Að því er varðar beitingu þessa liðar skulu innflytjendur leggja fram sönnun við innflutning um upprunaland járn- og stálaðfanga sem eru notuð við vinnslu framleiðsluvörunnar í þriðja landi nema varan sé flutt inn frá samstarfslandi vegna járn- og stálinnflutnings sem skráð er í XV. viðauka.“

b) Eftirfarandi liðum er bætt við 4. mgr.:

- „c) 3 185 719 tonn á milli 1. október 2024 og 30. september 2025,
- d) 2 998 324 tonn á milli 1. október 2025 og 30. september 2026,
- e) 2 623 534 tonn á milli 1. október 2026 og 30. september 2027,
- f) 2 061 348 tonn á milli 1. október 2027 og 30. september 2028.“

c) Eftirfarandi liðum er bætt við 5. mgr. a:

- „c) 124 956 tonn á milli 1. október 2024 og 30. september 2025,
- d) 117 606 tonn á milli 1. október 2025 og 30. september 2026,
- e) 102 905 tonn á milli 1. október 2026 og 30. september 2027,
- f) 80 854 tonn á milli 1. október 2027 og 30. september 2028.“

d) Í stað 7. mgr. kemur eftirfarandi:

„7. Þrátt fyrir 1. mgr. geta lögbær stjórnvöld heimilað kaup, innflutning eða tilflutning vara, sem eru á skrá í XVII. viðauka við reglugerð (ESB) nr. 833/2014, með þeim skilyrðum sem þau telja viðeigandi, eftir að hafa ákvarðað að slíkt sé nauðsynlegt til að koma á fót kjarnorkugetu til borgaralegra nota, til reksturs hennar, viðhalds, eldsneytisafhendingar og -endurmeðhöndlunar og öryggis hennar, og til að halda áfram hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnið, til afhendingar forefna til framleiðslu á geislavirkum samsætum til lækninga og svipaðrar læknisfræðilegrar notkunar, eða mikilvægrar tækni til vöktunar á geislun í umhverfinu, sem og til samstarfs um kjarnorku til borgaralegra nota, einkum á sviði rannsókna og þróunar.“

17) Í stað 1. mgr. 4. gr. j kemur eftirfarandi:

„1. Lagt er bann við sölu, afhendingu, tilflutningi eða útflutningi, með beinum eða óbeinum hætti, á mun-aðarvörum, hvort sem þær eru upprunnar í Sambandinu eða ekki, til einstaklings, lögaðila, rekstrareiningar eða stofnunar í Rússlandi eða til notkunar þar í landi.“

18) Ákvæðum 4. gr. k er breytt sem hér segir:

a) Eftirfarandi málsgreinum er bætt við:

„3aa. Lögbær stjórnvöld aðildarríkis geta heimilað innflutning á vörum sem eru eingöngu ætlaðar til einkanota einstaklinga sem ferðast til Sambandsins eða nánustu aðstandenda þeirra og takmarkast við persónulegar eigur þessara einstaklinga og sem eru greinilega ekki ætlaðar til sölu.



- 3ab. Lögbær stjórnvöld aðildarríkis geta heimilað, með þeim skilyrðum sem þau telja viðeigandi, að inn í Sambandið komi ökutæki sem fellur undir SN-númer 8703 og er ekki ætlað til sölu og er í eigu borgara aðildarríkis eða náins aðstandanda sem er búsettur í Rússlandi sem ekur ökutækinu til Sambandsins einungis í persónulegum tilgangi.
- 3ac. Bannið í 1. mgr. skal ekki gilda um komu vélknúinna ökutækja sem falla undir SN-númer 8703 inn í Sambandið ef þau bera diplómatiskt skráningamerki og eru nauðsynleg vegna starfsemi sendi- og ræðis-skrifstofa, þ.m.t. sendinefnda, sendiráða og fastanefnda, eða alþjóðastofnana sem njóta friðhelgi að þjóðarétti, eða til einkanota starfsfólks þeirra og nánustu aðstandenda þeirra.
- 3ad. Bannið í 1. mgr. kemur ekki í veg fyrir að ökutæki sem þegar eru á yfirráðasvæði Sambandsins 19. desember 2023 séu skráð í aðildarríki.
- 3ca. Að því er varðar vörur sem falla undir SN-númer 7205, 7408, 7604, 7605, 7607 og 7608 gilda bönnin í 1. og 2. mgr. ekki fyrr en 20. mars 2024 um efnidir samninga sem gerðir voru fyrir 19. desember 2023 eða fylgisamninga sem nauðsynlegir eru vegna framkvæmdar slíkra samninga.
- 3cb. Að því er varðar vörur sem falla undir SN-númer 2711 12, 2711 13, 2711 14, 2711 19 og 7202 gilda bönnin í 1. og 2. mgr. ekki fyrr en 20. desember 2024 um efnidir samninga sem gerðir voru fyrir 19. desember 2023 eða fylgisamninga sem nauðsynlegir eru vegna framkvæmdar slíkra samninga.
- 3cc. Að því er varðar vörur sem falla undir SN-númer 7201 gilda bönnin í 1. og 2. mgr. ekki um innflutning, kaup eða flutning eða tengda tækniaðstoð eða fjárhagsaðstoð á eftirfarandi magni vara:
- 1 140 000 tonn á milli 19. desember 2023 og 31. desember 2024,
  - 700 000 tonn á milli 1. janúar 2025 og 31. desember 2025.
- 3cd. Að því er varðar vörur sem falla undir SN-númer 7203 gilda bönnin í 1. og 2. mgr. ekki um innflutning, kaup eða flutning eða tengda tækniaðstoð eða fjárhagsaðstoð á eftirfarandi magni vara:
- 1 140 836 tonn á milli 19. desember 2023 og 31. desember 2024,
  - 651 906 tonn á milli 1. janúar 2025 og 31. desember 2025.“
- b) Í stað 3. mgr. c kemur eftirfarandi:
- „3c. Þrátt fyrir 1. og 2. mgr. geta lögbær stjórnvöld heimilað kaup, innflutning eða tilflutning vara, sem eru á skrá í XXI. viðauka við reglugerð (ESB) nr. 833/2014, eða veitingu tengdrar tækni- og fjárhagsaðstoðar, með þeim skilyrðum sem þau telja viðeigandi, eftir að hafa ákvarðað að slíkt sé nauðsynlegt til að koma á fót kjarnorkugetu til borgaralegra nota, til reksturs hennar, viðhalds, eldsneytisafhendingar og -endurmeðhöndlunar og öryggis hennar, og til að halda áfram hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnið, til afhendingar forefna til framleiðslu á geislavirkum samsætum til lækninga og svipaðrar læknisfræðilegrar notkunar, eða mikilvægrar tækni til vöktunar á geislun í umhverfinu, sem og til samstarfs um kjarnorku til borgaralegra nota, einkum á sviði rannsókna og þróunar.“
- c) Í stað 5. mgr. kemur eftirfarandi:
- „5. Framkvæmdastjórnin og aðildarríkin skulu stýra magni innflutningskvóta, sem sett er fram í 3. mgr. cc, 3. mgr. cd, 3. mgr. da og 4. mgr. þessarar greinar, í samræmi við stjórnunarkerfið fyrir tollkvóta sem kveðið er á um í 49.–54. gr. framkvæmdarreglugerðar framkvæmdastjórnarinnar (ESB) 2015/2447.“
- d) Eftirfarandi kemur í stað 5. mgr. a:
- „5a. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 3. mgr. c og 3. mgr. e innan tveggja vikna frá því að hún er veitt.“
- 19) Ákvæðum 4. gr. m er breytt sem hér segir:
- Í stað 1. mgr. kemur eftirfarandi:
- „1. Lagt er bann við sölu, afhendingu, tilflutningi eða útflutningi, með beinum eða óbeinum hætti, á vörum sem einkum gætu stuðlað að því að efla getu Rússlands á sviði iðnaðar, hvort sem þær eru upprunnar í Sambandinu eða ekki, til einstaklings, lögaðila, rekstrareiningar eða stofnunar í Rússlandi eða til notkunar þar í landi.“
- Eftirfarandi málsgrein er bætt við:
- „1a. Lagt er bann við umflutningi um yfirráðasvæði Rússlands á tilteknum vörum og tækni sem flutt er út frá Sambandinu.“
- Ákvæði 3. mgr., 3. mgr. a og 3. mgr. b falla brott.

- d) Eftirfarandi málsgreinum er bætt við:
- „3aa. Að því er varðar tilteknaðar vörur gilda bönnin í 1. og 2. mgr. ekki fyrir en 20. mars 2024 um efndir samninga sem gerðir voru fyrir 19. desember 2023 eða fylgisamninga sem nauðsynlegir eru vegna framkvæmdar slíkra samninga.
- 3ab. Að því er varðar tilteknaðar vörur gilda bönnin í 1. og 2. mgr. ekki fyrir en 20. júní 2024 um efndir samninga sem gerðir voru fyrir 19. desember 2023 eða fylgisamninga sem nauðsynlegir eru vegna framkvæmdar slíkra samninga.
- 4c. Þrátt fyrir 1. mgr. a geta lögbær stjórnvöld heimilað umflutning um yfirráðasvæði Rússlands á tilteknum vörum og tækni, sem einkum gætu stuðlað að því að efla getu Rússlands á sviði iðnaðar, eftir að hafa ákvarðað að nota eigi slíkar vörur eða tækni í þeim tilgangi sem settur er fram í 4. mgr. b og 5. mgr. í þessari grein.“
- e) Í stað c-liðar 5. mgr. kemur eftirfarandi:
- „c) til að koma á fót kjarnorkugetu til borgaralegra nota, til reksturs hennar, viðhalds, eldsneytisafhendingar og -endurmeðhöndlunar og öryggis hennar, og til að halda áfram hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnið, til afhendingar forefna til framleiðslu á geislavirkum samsætum til lækninga og svipaðrar læknisfræðilegrar notkunar, eða mikilvægrar tækni til vöktunar á geislun í umhverfinu, sem og til samstarfs um kjarnorku til borgaralegra nota, einkum á sviði rannsókna og þróunar.“
- f) Í stað 5. mgr. b kemur eftirfarandi:
- „5b. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 4. mgr. a, 4. mgr. b, 4. mgr. c og 5. mgr. innan tveggja vikna frá því að hún er veitt.“
- 20) Ákvæðum 4. gr. n er breytt sem hér segir:
- a) Ákvæði 3. mgr. og 3. mgr. a falla brott.
- b) Í stað a-liðar 4. mgr. kemur eftirfarandi:
- „a) nema það sé bannað, vegna kaupa, innflutnings eða flutnings til Sambandsins á jarðgasi og olíu, þ.m.t. hreinsuðum olíuvörum, auk titans, áls, kopars, nikkels, palladíums og járngrýtis.“
- 21) Ákvæðum 4. gr. o er breytt sem hér segir:
- a) Í stað inngangsorðanna í 6. mgr. kemur eftirfarandi:
- „6. Frá og með 5. febrúar 2023, og þrátt fyrir 1. og 2. mgr., geta lögbær stjórnvöld í Króatíu heimilað fram til 31. desember 2024 kaup, innflutning eða tilflutning á undirþrýstieimaðri gasolíu sem fellur undir SN-númer 2710 19 71 sem er upprunnin í Rússlandi eða flutt út þaðan, að því tilskildu að eftirfarandi skilyrði séu uppfyllt:“
- b) Í stað fjórðu undirgreinar 8. mgr. kemur eftirfarandi:
- „Þrátt fyrir þetta skal tímabundið beita banninu, sem um getur í þriðju undirgrein, frá og með 5. desember 2024 að því er varðar innflutning og tilfærslu til Tékklands og sölu til kaupenda í Tékklandi á jarðolíuafurðum sem eru fengnar úr hráolíu sem hefur verið flutt með leiðslum til annars aðildarríkis eins og um getur í d-lið 3. mgr. Ef aðrar birgðir af slíkum jarðolíuafurðum standa Tékklandi til boða fyrir þann dag skal ráðið fella tímabundnu undanþáguna úr gildi. Á tímabilinu fram til 5. desember 2024 skal magn slíkra jarðolíuafurða sem fluttar eru inn til Tékklands frá öðrum aðildarríkjum ekki vera meira en það meðalmagn sem flutt er inn til Tékklands frá þessum öðrum aðildarríkjum á sama tímabili á næstliðnum fimm árum.“
- 22) Ákvæðum 4. gr. p er breytt sem hér segir:
- a) Eftirfarandi málsgrein er bætt við:
- „6a. Til beitingar a-liðar 4. og 6. mgr., þegar um er að ræða rússneska hráolíu eða jarðolíuafurðir sem eru á skrá í XIII. viðauka og settar eru um borð í skip 20. febrúar 2024 eða síðar, skulu þjónustuveitendur sem ekki hafa aðgang að kaupverði slíkra vara á tunnu sem um getur í XI. viðauka afla sundurliðaðra verðupplýsinga um aukakostnað sem rekstraraðilar ofar í aðfangakeðjunni í viðskiptum með rússneska hráolíu og jarðolíuafurðir láta í té. Slíkar sundurliðaðar verðupplýsingar skulu veittar mótaðilum og lögbærum stjórnvöldum að beiðni þeirra til að unnt sé að sannprófa að farið sé að þessari grein.“
- b) Ákvæði 8. mgr. falla brott.
- 23) Eftirfarandi greinum er bætt við:

## „4. gr. u

1. Frá og með 1. janúar 2024 er lagt bann við kaupum, innflutningi eða tilflutningi, með beinum eða óbeinum hætti, á demöntum og vörum með demöntum ef þeir eru upprunnir í Rússlandi eða hafa verið fluttir út frá Rússlandi til Sambandsins eða til þriðja lands.
  2. Frá og með 1. janúar 2024 er lagt bann við kaupum, innflutningi eða tilflutningi, með beinum eða óbeinum hætti, á demöntum og vörum með demöntum hver sem uppruni þeirra er, ef þeir voru fluttir um yfirráðasvæði Rússlands.
  3. Frá og með 1. mars 2024 er lagt bann við kaupum, innflutningi eða tilflutningi, með beinum eða óbeinum hætti, á vörum sem eru unnar í þriðja landi og eru demantar sem eru upprunnir í Rússlandi eða fluttir út frá Rússlandi og veга a.m.k. 1.0 karat hver demantur.
  4. Frá og með 1. september 2024 er lagt bann við kaupum, innflutningi eða tilflutningi, með beinum eða óbeinum hætti, á vörum sem eru unnar í þriðja landi og eru eða innihalda demanta sem eru upprunnir í Rússlandi eða fluttir út frá Rússlandi og veга a.m.k. 0,5 karöt eða 0,1 gramm hver demantur.
  5. Lagt er bann við því að:
    - a) veita tækniástoð, miðlunarþjónustu eða aðra þjónustu, sem tengist vörum sem um getur í 1.–4. mgr. og því að útvega, framleiða, viðhalda og nota þessar vörur, með beinum eða óbeinum hætti, í tengslum við bannið í 1.–4. mgr.,
    - b) veita fjármögnun eða fjárhagsástoð, sem tengist vörum sem um getur í 1.–4. mgr., vegna kaupa, innflutnings eða tilflutnings þessara vara eða sem tengist því að veita tengda tækniástoð, miðlunarþjónustu eða aðra þjónustu, með beinum eða óbeinum hætti, í tengslum við bannið í 1.–4. mgr.
  6. Bannið í 1.–4. mgr. þessarar greinar gildir ekki um demanta eða vörur sem innihalda demanta, sem eru til einkanota fyrir einstaklinga sem ferðast til Sambandsins eða nánustu aðstandendur þeirra sem ferðast með þeim, eru í eigu þessara einstaklinga og ekki ætlaðar til sölu.
  7. Þrátt fyrir 1.–4. mgr. geta lögbær stjórnvöld heimilað tilflutning eða innflutning á menningarverðmætum sem eru í láni innan ramma formlegs menningarsamstarfs við Rússland.
  8. Að því er varðar 3. og 4. mgr. skulu vörur, sem falla undir SN-númer 7102 31 00 og 7102 10 00 og fluttar eru inn í Sambandið, tafarlaust lagðar fram til sannprófunar ásamt gögnum sem votta uppruna þeirra, hjá viðkomandi stjórnvaldi sem annast sannprófun á demöntum. Aðildarríkið þar sem þessar vörur voru fluttar inn á tollsvæði Sambandsins skal tryggja að þær séu lagðar fram hjá því stjórnvaldi. Heimilt er að veita leyfi fyrir tollmeðferð við umflutning í þessu skyni. Ef veitt er leyfi fyrir tollmeðferð við umflutning skal fresta sannprófuninni, sem kveðið er á um í þessari málsgrein, uns þetta stjórnvald hefur tekið við vörunum. Innflytjandinn skal vera ábyrgur fyrir réttum flutningi varanna og bera kostnað af honum.
  9. Allar sannprófanir, sem farið er fram á samkvæmt 8. mgr., skulu fara fram í samræmi við reglur og verklagsreglur sem mælt er fyrir um í reglugerð ráðsins (EB) 2368/2002<sup>(\*)</sup> sem skulu gilda að breyttu breytanda.
  10. Að því er varðar 3. og 4. mgr. skulu innflytjendur leggja fram sönnun við innflutning um upprunaland demantanna eða varanna sem innihalda demanta sem eru notuð sem ílag við vinnslu framleiðsluvörunnar í þriðja landi.
- Frá og með 1. september 2024 skal sönnun byggð á rekjanleika innihalda samsvarandi vottorð um að námugróftur, vinnsla eða framleiðsla demantanna hafi ekki farið fram í Rússlandi.
11. Sambandið skal gera nauðsynlegar ráðstafanir til að ákvarða hvaða atriði skuli falla undir þessa grein og stjórnvaldið sem mun annast sannprófun demanta, sem um getur í 8. mgr.

## 4. gr. v

1. Lagt er bann við því að ríkisborgarar aðildarríkis, einstaklingar sem eru búsettir í aðildarríki og lögaðilar, rekstrareiningar eða stofnanir með staðfestu í Sambandinu selji eða yfirfæri með öðrum hætti eignarhald, með beinum eða óbeinum hætti, á tankskipum sem falla undir ST-númer úr 8901 20 til flutninga á hrólíu eða jarðolíuafurðum sem eru á skrá í XIII. viðauka, til einstaklings eða lögaðila, rekstrareiningar eða stofnunar í Rússlandi eða til nota þar í landi, hvort sem þau eru upprunnin í Sambandinu eða ekki.
2. Þrátt fyrir 1. mgr. geta lögbær stjórnvöld heimilað, með þeim skilyrðum sem þau telja við hæfi, sölu eða aðra yfirfærslu á eignarhaldi tankskipa sem falla undir ST-númer úr 8901 20 til flutninga á hrólíu eða jarðolíuafurðum sem eru á skrá í XIII. viðauka.

3. Við afgreiðslu beiðna um heimildina sem um getur í 2. mgr. þessarar greinar skulu lögbær stjórnvöld ekki veita leyfi fyrir sölu eða annari yfirfærslu á eignarhaldi til einstaklinga eða lögaðila, rekstrareininga eða stofnana í Rússlandi, eða til nota í Rússlandi, ef þau hafa réttmæta ástæðu til að ætla að tankskipið verði notað til að flytja, eða verði endurútflutt til að flytja, hráolíu eða jarðolíuafurðir sem eru á skrá í XIII. viðauka, sem eru upprunnar í Rússlandi eða fluttar út frá Rússlandi til innflutnings til Sambandsins í bága við 4. gr. o, eða til flutninga til þriðju landa á herra kaupverði á tunnu en verðið sem mælt er fyrir um í XI. viðauka.

4. Tilkynna skal lögbærum stjórnvöldum aðildarríkis þar sem eigandi tankskips er ríkisborgari, hefur búsetu eða staðfestu, tafarlaust um sölu eða annað fyrirkomulag sem felur í sér yfirfærslu á eignarhaldi til þriðja lands af hálfu ríkisborgara aðildarríkis, einstaklings sem hefur búsetu í aðildarríki og lögaðila, rekstrareiningar eða stofnunar með staðfestu í Sambandinu, á tankskipum sem falla undir ST-númer úr 8901 20 til flutninga á hráolíu eða jarðolíuafurðum sem eru skráð í XIII. viðauka, að undanskilinni sölu eða annari yfirfærslu á eignarhaldi sem bönnuð er skv. 1. mgr.

Tilkynningin til lögbæra stjórnvaldsins skal innihalda a.m.k. eftirfarandi upplýsingar: hver seljandi og kaupandi eru og, þar sem við á, stofnsamþykktir seljanda og kaupanda, þ.m.t. hlutafjárreign og stjórnendur, auðkennisnúmer Alþjóðasiglingamálastofnunar fyrir tankskipið og kallmerki skipsins.

5. Tilkynna skal lögbærum stjórnvöldum aðildarríkjana fyrir 20. febrúar 2024 um sölu eða aðra yfirfærslu á eignarhaldi tankskipa eins og um getur í 1. og 4. mgr. sem fram fer á tímabilinu eftir 5. desember 2022 til 19. desember 2023.

6. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 2. mgr. og um hverja tilkynningu skv. 4. og 5. mgr. innan tveggja vikna frá heimildinni eða tilkynningunni.“

24) Ákvæðum 4. gr. r er breytt sem hér segir:

a) Í stað inngangsorðanna í 1. mgr. kemur eftirfarandi:

„1. Þrátt fyrir 3. gr., 3. gr. a, 4. gr., 4. gr. c, 4. gr. d, 4. gr. g, 4. gr. j og 4. gr. m geta lögbær stjórnvöld heimilað sölu, afhendingu eða tilflutning á vörum og tækni, sem eru á skrá í II., VII., X., XI., XVI., XVIII., XX. og XXIII. viðauka við reglugerð (ESB) nr. 833/2014 og í I. viðauka við reglugerð (ESB) 2021/821, sem og sölu, leyfisveitingu eða annars konar framsal á hugverkarétti eða viðskiptaleyndarmálum, sem og veitingu réttar til aðgangs að eða endurnotkunar á hvers kyns efni eða upplýsingum sem njóta verndar hugverkaréttar eða sem fela í sér viðskiptaleyndarmál, sem tengjast vörum og tækni sem um getur hér að framan til 30. júní 2024 ef slík sala, afhending, tilflutningur, leyfisveiting eða veiting réttar til aðgangs eða endurnotkunar er algerlega nauðsynleg vegna fjárlosunar í Rússlandi eða slita á atvinnustarfsemi í Rússlandi, að því tilskildu að eftirfarandi skilyrði séu uppfyllt:“

b) Í stað 1. mgr. a kemur eftirfarandi:

„1a. Þrátt fyrir 3. gr. geta lögbær stjórnvöld heimilað sölu, afhendingu eða tilflutning á vörum og tækni sem eru á skrá í II. viðauka við reglugerð (ESB) nr. 833/2014 til 30. september 2024 ef slík sala, afhending eða tilflutningur er algerlega nauðsynlegur til að losa fé í fyrirtæki um sameiginlegt verkefni, sem er skráð eða stofnað samkvæmt lögum aðildarríkis fyrir 24. febrúar 2022, sem rússneskur lögaðili, rekstrareining eða stofnun tekur þátt í og sem rekur grunnvirki fyrir gasleiðslur milli Rússlands og þriðju landa.“

c) Í stað inngangsorðanna í 2. mgr. kemur eftirfarandi:

„2. Þrátt fyrir 4. gr. i og 4. gr. k geta lögbær stjórnvöld heimilað innflutning eða tilflutning á vörum sem eru á skrá í XVII. og XXI. viðauka við reglugerð (ESB) nr. 833/2014 til 30. júní 2024, ef slíkur innflutningur eða tilflutningur er algerlega nauðsynlegur til þess að losa um fjárfestingar í Rússlandi eða slíta atvinnustarfsemi í Rússlandi, að því tilskildu að eftirfarandi skilyrði séu uppfyllt:“

d) Í stað inngangsorðanna í 2. mgr. a kemur eftirfarandi:

„2a. Þrátt fyrir 1. gr. k geta lögbær stjórnvöld heimilað áframhaldandi veitingu þjónustu sem þar er talin upp til 31. júlí 2024 ef slík veiting þjónustu er algerlega nauðsynleg vegna fjárlosunar í Rússlandi eða slita á atvinnustarfsemi í Rússlandi, að því tilskildu að eftirfarandi skilyrði séu uppfyllt:“

25) Í stað 4. gr. s kemur eftirfarandi:

„4. gr. s

Bannið sem mælt er fyrir um í þessari reglugerð gildir ekki um veitingu lóðsþjónustu sem er nauðsynleg í þágu siglingaöryggis.“

26) Eftirfarandi grein er bætt við:

## „5. gr. b

1. Þegar viðkvæmar vörur og tækni sem eru á skrá í XI., XX. og XXXV. viðauka við reglugerð (ESB) nr. 833/2014, almennar vörur með mikinn forgang eða skotvopn og skotfæri sem eru á skrá í I. viðauka við reglugerð (ESB) nr. 258/2012 eru seld, afhent, tilfærð eða flutt út til þriðja lands, að undanskildum samstarfslöndunum sem eru á skrá í VII. viðauka við þessa ákvörðun, skulu útflytjendur, frá og með 20. mars 2024, banna samkvæmt samningi endurútflytning til Rússlands og endurútflytning til nota þar í landi. Sambandið skal gera nauðsynlegar ráðstafanir til að ákvarða hvaða hlutir skuli tilgreindir sem almennar vörur með mikinn forgang.
  2. Ákvæði 1. mgr. gilda ekki um efndir samninga, sem gerðir voru fyrir 19. desember 2023, fyrir en 20. desember 2024 eða þann dag sem þeir falla úr gildi, eftir því hvort ber fyrir að.
  3. Við beitingu 1. mgr. skulu útflutningsaðilar tryggja að í samningi við þriðja land sem er mótaðili sé að finna fullnægjandi úrræði ef brotið er gegn samningsbundinni skyldu skv. 1. mgr.
  4. Ef þriðja landið sem er mótaðili brýtur gegn einhverri samningsbundinni skyldu skv. 1. mgr. skulu útflytjendur tilkynna lögbæru stjórnvaldi aðildarríkisins þar sem þeir eru búsettir eða hafa staðfestu um brotið um leið og þeir verða varir við það.
  5. Aðildarríkin skulu upplýsa hvert annað og framkvæmdastjórnina um tilvik þar sem komið hefur í ljós að brotið hefur verið gegn samningsbundinni skyldu skv. 1. mgr. eða hún sniðgengin.“
- 27) Viðaukunum er breytt í samræmi við viðaukann við þessa ákvörðun.

## 2. gr.

Ákvörðun þessi öðlast gildi daginn eftir að hún birtist í *Stjórnartíðindum Evrópusambandsins*.

Gjört í Brussel 18. desember 2023.

*Fyrir hönd ráðsins,*

*forseti.*

P. NAVARRO RÍOS

(<sup>1</sup>) Ákvörðun ráðsins 2014/512/SSUÖ frá 31. júlí 2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu (Stjtið. ESB L 229, 31.7.2014, bls. 13).

(<sup>2</sup>) Reglugerð ráðsins (ESB) nr. 833/2014 frá 31. júlí 2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu (Stjtið. ESB L 229, 31.7.2014, bls. 1).

(<sup>3</sup>) Ákvörðun ráðsins 2014/145/SSUÖ frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtið. ESB L 78, 17.3.2014, bls. 16).

(<sup>4</sup>) Ákvörðun ráðsins 2014/386/SSUÖ frá 23. júní 2014 um þvingunaraðgerðir vegna ólögleggrar innlimunar Kríms og Sevastopol (Stjtið. ESB L 183, 24.6.2014, bls. 70).

(<sup>5</sup>) Ákvörðun ráðsins (SSUÖ) 2022/266 frá 23. febrúar 2022 um þvingunaraðgerðir til að bregðast við ólöglegri viðurkenningu, hernámi eða innlimun Rússneska sambandsríkisins á tilteknum svæðum sem lúta ekki stjórn ríkisstjórnar Úkraínu (Stjtið. ESB L 42 I, 23.2.2022, bls. 109).

(<sup>6</sup>) Reglugerð ráðsins (ESB) nr. 269/2014 frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtið. ESB L 78, 17.3.2014, bls. 6).

(<sup>7</sup>) Reglugerð ráðsins (ESB) nr. 833/2014 frá 31. júlí 2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu (Stjtið. ESB L 229, 31.7.2014, bls. 1).

(<sup>8</sup>) Reglugerð ráðsins (ESB) nr. 692/2014 frá 23. júní 2014 að því er varðar þvingunaraðgerðir vegna ólögleggrar innlimunar Kríms og Sevastopol (Stjtið. ESB L 183, 24.6.2014, bls. 9).

(<sup>9</sup>) Reglugerð ráðsins (ESB) 2022/263 frá 23. febrúar 2022 um þvingunaraðgerðir til að bregðast við ólöglegri viðurkenningu, hernámi eða innlimun Rússneska sambandsríkisins á tilgreindum yfirráðasvæðum sem lúta ekki stjórn ríkisstjórnar Úkraínu (Stjtið. ESB L 42 I, 23.2.2022, bls. 77).

(<sup>10</sup>) Reglugerð ráðsins (EB) nr. 2368/2002 frá 20. desember 2002 um framkvæmd á vottunarkerfi Kimberley-ferlisins vegna alþjóðlegra viðskipta með óslípaða demanta (Stjtið. EB L 358, 31.12.2002, bls. 28).

## VIÐAUKI

[Viðaukinn eru birtir á vef Stjórnartíðinda ESB: <http://data.europa.eu/eli/dec/2023/2874/oj>.

Listar yfir aðila, hluti, tækni eða annað viðfang þvingunaraðgerða, eru birtir á vef Stjórnartíðinda Evrópusambandsins. Síðari breytingar og uppfærslur viðaukanna öðlast sjálfkrafa gildi við birtingu á þeim vef, sbr. 3. mgr. 6. gr. laga um framkvæmd alþjóðlegra þvingunaraðgerða og frystingu fjármuna nr. 68/2023.

Vefur Stjórnartíðinda Evrópusambandsins er hér: <http://eurlex.europa.eu>.

Heildarlisti yfir aðila sem eru háðir frystingu fjármuna er hér: [https://ec.europa.eu/info/business-economy-euro/banking-and-finance/international-relations/restrictive-measures-sanctions\\_en#list.](https://ec.europa.eu/info/business-economy-euro/banking-and-finance/international-relations/restrictive-measures-sanctions_en#list.)

## **Fylgiskjal 8.25.**

### **REGLUGERÐ RÁÐSINS (ESB) 2023/2878**

**frá 18. desember 2023**

#### **um breytingu á reglugerð (ESB) nr. 833/2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu**

RÁÐ EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins, einkum 215. gr.,

með hliðsjón af ákvörðun ráðsins (SSUÖ) 2023/2874 frá 18. desember 2023 um breytingu á ákvörðun 2014/512/SSUÖ um þvingunaraðgerðir í ljósi aðgerða Rússlands sem grafa undan stöðugleika í Úkraínu<sup>(1)</sup>,

með hliðsjón af sameiginlegri tillögu frá æðsta fulltrúa Sambandsins í utanríkis- og öryggismálum og framkvæmdastjórn Evrópusambandsins,

og að teknu tilliti til eftirfarandi:

- 1) Hinn 31. júlí 2014 samþykkti ráðið reglugerð (ESB) nr. 833/2014<sup>(2)</sup> um þvingunaraðgerðir í ljósi aðgerða Rússlands sem grafa undan stöðugleika í Úkraínu.
- 2) Með reglugerð (ESB) nr. 833/2014 koma til framkvæmda tilteknar aðgerðir sem kveðið er á um í ákvörðun ráðsins 2014/512/SSUÖ<sup>(3)</sup>.
- 3) Hinn 18. desember 2023 samþykkti ráðið ákvörðun (SSUÖ) 2023/2874 um breytingu á ákvörðun 2014/512/SSUÖ.
- 4) Með ákvörðun (SSUÖ) 2023/2874 er 29 nýjum rekstrareiningum bætt við skrána yfir lögaðila, rekstrareiningar og stofnanir, sem sett er fram í IV. viðauka við ákvörðun 2014/512/SSUÖ, þ.e. skrána yfir aðila, rekstrareiningar og stofnanir sem styðja beint við hergagnaiðnað í Rússlandi í árásarstríði þess gegn Úkraínu, sem eru látnar sæta þrengri takmörkunum á útflutningi að því er varðar vörur og tækni með tvíþætt notagildi, sem og vörur og tækni sem kunna að stuðla að tæknilegri eflingu í varnar- og öryggismálum Rússlands. Í ljósi þess lykilhlutverks sem rafeindaíhlutir gegna fyrir hergagnaiðnaðinn í Rússlandi í að styðja við árásarstríðið gegn Úkraínu eru, með ákvörðun (SSUÖ) 2023/2874, enn fremur færðar á skrána tilteknar rekstrareiningar í þriðju löndum, öðrum en Rússlandi, sem taka þátt í að sniðganga viðskiptahömlur sem og tilteknar rússneskar rekstrareiningar sem taka þátt í þróun, framleiðslu og afhendingu rafeindaíhluta til hergagnaiðnaðarins í Rússlandi.
- 5) Með ákvörðun (SSUÖ) 2023/2874 er aukið við skrána yfir hluti sem stuðla að hernaðarlegri og tæknilegri eflingu Rússlands eða þróun þess á sviði varnar- og öryggismála með því að bæta við hlutum sem Rússland hefur notað í árásarstríði sínu gegn Úkraínu og hlutum sem stuðla að þróun eða framleiðslu hernaðarkerfa þess, þ.m.t. iðefnum, litíumraflhöðum, hitastillum, jafnstraumshreyflum og stýrihreyflum fyrir ómönnuð loftför, vélaverkfærum og vélahlutum.
- 6) Með ákvörðun (SSUÖ) 2023/2874 er sett fram skrá yfir samstarfslönd sem beita röð þvingunaraðgerða varðandi innflutning á járn og stáli og röð ráðstafana vegna eftirlits með innflutningi sem eru í meginatriðum jafngildar þeim sem eru settar fram í reglugerð (ESB) nr. 833/2014. Hún framlengir einnig tiltekin slítatímabil vegna innflutnings á tilteknum stálvörum.
- 7) Með ákvörðun (SSUÖ) 2023/2874 eru lögð frekari útflutningshöft á vörur sem gætu einkum stuðlað að því að auka getu Rússlands á sviði iðnaðar. Enn fremur, til að lágmarka hættuna á að þvingunaraðgerðir verði sniðgengnar, er í ákvörðun (SSUÖ) 2023/2874 lagt bann við umflutningi um yfirráðasvæði Rússlands á tilteknum vörum og tækni sem gætu einkum stuðlað að því að auka getu Rússlands á sviði iðnaðar og sem fluttar eru út frá Sambandinu.
- 8) Auk þess eru með ákvörðun (SSUÖ) 2023/2874 lögð frekari innflutningshöft á vörur sem afla umtalsverðra tekna fyrir Rússland og gera því þannig kleift að halda áfram árásarstríðinu gegn Úkraínu, s.s. fljótandi própangas, hrájárn og spegiljárn, koparvír, álvír, þynnur, rör og pípur. Kveðið er á um tilteknar undantekningar og umbreytingartímabil.
- 9) Auk þess heimilar ákvörðun (SSUÖ) 2023/2874 aðildarríkjum að leyfa að inn í Sambandið komi persónulegir munir sem ekki eru verulegt áhyggjuefni að því er varðar sniðgöngu, s.s. persónulegar hreinlætisvörur

eða fót sem ferðamenn klæðast eða hafa í farangri sínum og sem greinilega eru eingöngu ætluð til persónulegra nota þeirra eða aðstandenda þeirra. Í henni er einnig kveðið á um undanþágu fyrir komu bifreiða með diplómatiskt skráningarmerki inn í Sambandið og aðildarríkjum leyft, til að auðvelda borgurum Sambandsins sem eru búsettir í Rússlandi komu inn í Sambandið, að heimila, með þeim skilyrðum sem þau telja viðeigandi, að bifreiðar borgara Sambandsins eða nánustu aðstandenda þeirra, sem eru búsettir í Rússlandi og ferðast til Sambandsins, komi inn í Sambandið, að því tilskildu að bifreiðarnar séu ekki til sölu og að akstur þeirra sé einungis í persónulegum tilgangi. Aðildarríkin mega setja reglur um stöðu bifreiða frá Rússlandi sem þegar eru á yfirráðasvæði Sambandsins.

- 10) Með ákvörðun (SSUÖ) 2023/2874 er innleitt frávík sem gerir kleift að veita lán til rekstrareininga, sem starfa í orkugeiranum í Rússlandi og heyra undir viðskiptabannið sem kveðið er á um í reglugerð (ESB) nr. 833/2014, með þeim skilyrðum sem þar er kveðið á um.
- 11) Með ákvörðun (SSUÖ) 2023/2874 er lagt bann við beinum eða óbeinum innflutningi, kaupum eða tilflutningi á demöntum frá Rússlandi. Bannið gildir um demanta sem eru upprunnir í Rússlandi, demanta sem fluttir eru út frá Rússlandi, demanta sem fluttir eru um Rússland og rússneska demanta sem unnir eru í öðrum þriðju löndum en Rússlandi.
- 12) Bannið gildir frá og með 1. janúar 2024 um náttúrulega og syntetíska demanta sem eru ekki til notkunar í iðnaði, auk demantsskartgripa, og felur í sér innleiðingu í áföngum, frá 1. mars 2024 til 1. september 2024, á óbeinu banni við innflutningi á rússneskum demöntum sem eru unnir í öðrum þriðju löndum en Rússlandi, þ.m.t. á skartgripum með demöntum sem eiga uppruna sinn í Rússlandi. Innleiðing í áföngum á óbeinu innflutningsbanni tekur tillit til þess að nota þarf viðeigandi rekjanleikabúnað sem gerir kleift að beita skilvirkum framfylgdarráðstöfunum og lágmarkar truflanir fyrir markaðsaðila.
- 13) Bannið við rússneskum demöntum er hluti af átaki sjö helstu iðnríkja heims til að þróa alþjóðlega samræmt demantabann sem miðar að því að svipta Rússland svo mikilvægri tekjulind. Til að bannið svipti Rússland í raun tekjum af námugreftri eftir demöntum þarf að grípa til aðgerða samhliða aðgerðum á öðrum helstu mörkuðum fyrir demanta, þ.m.t. takmarka innflutning á rússneskum demöntum sem unnir hafa verið í öðrum þriðju löndum en Rússlandi.
- 14) Ákvörðun (SSUÖ) 2023/2874 framlengir tilteknar undanþágur frá banninu við innflutningi frá Rússlandi á hráolíu og jarðolíuafurðum um ár til viðbótar til að tryggja afhendingaröryggi tiltekinna aðildarríkja.
- 15) Verðþakskerfið byggist á staðfestingarferli sem gerir rekstraraðilum í aðfangakeðju rússneskrar olíu sem flutt er á sjó kleift að sýna fram á að hún hafi verið keypt á verði sem er jafnt eða undir verðþakinu sem Verðþaksbandalagið hefur samþykkt. Til að styðja frekar við framkvæmd og fylgni við þessa tilhögun, ásamt því að styrkja hindranir gegn fölsun vottorða, er með ákvörðun (SSUÖ) 2023/2874 innleidd krafa um að deila beri sundurliðuðum verðupplýsingum um aukakostnað, s.s. trygginga- og flutningskostnað, sé farið fram á það, innan allrar aðfangakeðju rússneska olíu-iðnaðarins. Í samræmi við stígskipt kerfi Verðþaksbandalagsins um vottanir, sem mótar skyldur aðila um fylgni á grundvelli aðgangs þeirra að kaupverði á rússneskri hráolíu eða jarðolíuafurðum, ber þeim aðilum sem hafa aðgang að þessum upplýsingum, s.s. kaupmönnum og leigutökum skipa, að deila sundurliðuðu verðupplýsingunum. Aðilar sem eru neðar í aðfangakeðjunni, s.s. skipseigendur og vátryggjendur, ættu að geta aflað, með áreiðanleikakönnunum sínum, og deilt, sundurliðuðum kostnaðarupplýsingum frá aðilum sem eru nær uppruna slíkra upplýsinga. Lögbær stjórnvöld geta krafist hvaða aðila sem er um þessar upplýsingar, óháð því hvar þeir standa í aðfangakeðjunni, og hvenær sem er, til að staðfesta að verðþakskerfinu sé fylgt. Kveðið er á um viðeigandi umbreytingartímabil.
- 16) Í ákvörðun (SSUÖ) 2023/2874 er einnig kveðið á um að styðja ætti framkvæmd og framfylgd verðþakskerfisins frekar með upplýsingaskiptum milli framkvæmdastjórnarinnar, með stuðningi Siglingaöryggisstofnunar Evrópu, og aðildarríkjanna til að bera kennsl á skip og rekstrareiningar sem viðhafa villandi viðskiptahætti með einum eða öðrum hætti, s.s. umskiptun milli skipa, sem notuð er til að fela uppruna eða áfangastað farms og misnotkun á sjálfvirka auðkenniskerfinu, þegar þau flytja rússneska hráolíu og jarðolíuafurðir. Slíkar upplýsingar gætu stutt við framfylgdaraðgerðir aðildarríkjanna.
- 17) Í því skyni að innleiða gagnsæi varðandi sölu tankskipa, einkum notaðra flutningaskipa, sem nota mætti til að komast hjá innflutningsbanninu á rússneskri hráolíu eða jarðolíuafurðum og verðþakinu sem Verðþaksbandalagið hefur samþykkt, kveður ákvörðun (SSUÖ) 2023/2874 á um tilkynningarskyldu við sölu tankskipa til sérhvers þriðja lands og frávík frá banninu við sölu tankskipa til rússneskra aðila og rekstrareininga eða til notkunar í Rússlandi. Þessi skylda gildir um eiganda tankskips sem er ríkisborgari aðildarríkis, um einstakling sem er búsettur í aðildarríki og um lögaðila, rekstrareiningu eða stofnun með staðfestu í Sambandinu. Eigandinn, eða hver sá sem kemur fram fyrir hans hönd, ætti að tilkynna lögbærum stjórn-

völdum um sérhverja slíka sölu sem fram hefur farið frá og með 5. desember 2022 og veita allar nauðsynlegar upplýsingar.

- 18) Í verðþakskerfinu er kveðið á um að undanskilja megi verðþakinu, sem Verðþaksbandalagið hefur samþykkt, sérstök verkefni sem eru nauðsynleg fyrir orkuöryggi tiltekinnna þriðju landa. Með ákvörðun (SSUÖ) 2023/2874 er undanþágan sem kveðið er á um í tengslum við Sakhalin-2 (Сахалин-2) verkefnið, sem er staðsett í Rússlandi, framlengd til 28. júní 2024 til að tryggja orkuöryggisþörf Japans.
- 19) Með ákvörðun (SSUÖ) 2023/2874 er enn fremur leitast við að takmarka sniðgöngu á banninu við að veita rússneskum aðilum og íbúum þjónustu tengda sýndareignaveski, sýndareignareikningi eða fjárvörslu sýndareigna með því að leggja bann við því að rússneskir ríkisborgarar eða einstaklingar með búsetu í Rússlandi eigi eða stjórnir lögaðilum, rekstrareiningum eða stofnunum sem veita slíka þjónustu, eða gegni störfum í stjórnnum þeirra.
- 20) Að auki víkkar ákvörðun (SSUÖ) 2023/2874 út gildandi bann við að veita þjónustu þannig að það nái einnig til þess að útvega hugbúnað til fyrirtækjastjórnunar og hugbúnað til hönnunar og framleiðslu á sviði iðnaðar, með viðeigandi undanþágum og frávikum.
- 21) Í ljósi mikilvægis Paks II-verkefnisins fyrir hagsmuni Ungverjalands í tengslum við öryggi í orkuafhendingu, skýrir ákvörðun (SSUÖ) 2023/2874 einnig að undanþágur og frávik þessarar reglugerðar varðandi kjarnorkuverkefni til borgaralegra nota eiga að fullu við um allar vörur og þjónustu sem þarf til þess verkefnis.
- 22) Með ákvörðun (SSUÖ) 2023/2874 er einnig lögð á tiltekin krafa um skýrslugjöf vegna millifærslu fjármuna út úr Sambandinu af hálfu rekstrareininga með staðfestu í Sambandinu, þ.m.t. rekstrareininga um sérverkefni (e. Special Purpose Entities) sem eru í eigu rekstrareininga með staðfestu í Rússlandi, rússneskra ríkisborgara eða einstaklinga með búsetu í Rússlandi.
- 23) Enn fremur krefst ákvörðun (SSUÖ) 2023/2874 þess að útflytjendur banni samkvæmt samningi endurútflytning til Rússlands og endurútflytning til nota þar í landi á viðkvæmum vörum og tækni sem eru á skrá í XI., XX. og XXXV. viðauka við reglugerð (ESB) nr. 833/2014, almennum vörum með mikinn forgang (e. common high priority items) eða skotvopnum og skotfærum sem skráð eru í I. viðauka við reglugerð (ESB) nr. 258/2012.
- 24) Síðast en ekki síst eru með ákvörðun (SSUÖ) 2023/2874 gerðar tilteknar tæknilegar breytingar, þar sem undanþágum frá tilteknum bönnum er m.a. skipt út fyrir frávik, með því að bæta við undanþágum vegna einkanota, með því að kveða á um tilkynningaskyldu, með því að bæta við tilvísunum sem vantar í sumar greinar en sem komu fram í hliðstæðum greinum og með því að taka út tilvísanir til umbreytingartímabila sem eru útrunnin og aðrar tilvísanir sem eru ekki nauðsynlegar til að geta uppfyllt markmið tiltekins ákvæðis. Ekki er ætlunin að það að fella brott tilvísanir til umbreytingartímabila sem þegar eru útrunnin hafi nein réttaráhrif á fyrri eða yfirstandandi samninga eða á gildi þessara umbreytingartímabila.
- 25) Þessar aðgerðir falla undir gildissvið sáttmálans um starfshætti Evrópusambandsins og því er lagasetning á vettvangi Sambandsins nauðsynleg, einkum til að tryggja sé að þeim verði beitt með sama hætti í öllum aðildarríkjunum.
- 26) Því ætti að breyta reglugerð (ESB) nr. 833/2014 til samræmis við það.

SAMÞYKKT REGLUGERÐ ÞESSA:

*1. gr.*

Reglugerð (ESB) nr. 833/2014 er breytt sem hér segir:

- 1) Ákvæðum 1. gr. er breytt sem hér segir:
  - a) Í stað inngangsorðanna í u-lið kemur eftirfarandi:
 

„u) „orkugeiri“: geiri sem nær yfir eftirfarandi starfsemi, að undanskilinni starfsemi sem tengist kjarnorku til borgaralegra nota, s.s. Paks II- verkefnið.“
  - b) Eftirfarandi liðum er bætt við:
 

„zc) „samstarfsland vegna járn- og stálinnflutnings“: land sem beitir röð þvingunaraðgerða varðandi innflutning á járn og stáli, sem eru í meginatriðum jafngildar þeim sem um getur í 3. gr. og röð innflutningseftirlitsráðstafana, sem eru í meginatriðum jafngildar þeim sem um getur í þeirri grein, sem tilgreint er í XXXVI. viðauka,
  - zd) „fjármunir“: hvers konar fjáreignir og ágóði, þ.m.t. en þó ekki eingöngu:
    - i. reiðufé, ávísanir, peningakröfur, víxlar, póstaðvísanir og aðrir greiðslugerningar,



- ii. inneignir hjá fjármálastofnunum eða öðrum rekstrareiningum, inneignir á reikningum, skuldir og fjárskuldbindingar,
  - iii. verðbréf eða skuldaskjöl, sem viðskipti eru með á almennum markaði og utan hans, þ.m.t. hlutabréf og eignarhlutir, skírteini fyrir verðbréfum, skuldabréf, skuldaviðurkenningar, ábyrgðir, óverðtryggð skuldabréf og afleiðusamningar,
  - iv. vextir, arðgreiðslur eða aðrar tekjur eða verðmæti sem safnast upp vegna eigna eða myndast af eignum,
  - v. lánsviðskipti, réttur til skuldajöfnunar, tryggingar, fullnustuábyrgðir eða aðrar fjárskuldbindingar,
  - vi. kreditbréf, farmbréf, sölureikningar og
  - vii. skjöl sem færa sönnur á hlutdeild í fjármunum eða fjármagni.“
- 2) Í stað c-liðar 4. mgr. 2. gr. kemur eftirfarandi:
- „c) ætlaðar til reksturs, viðhalds, eldsneytisendurmeðhöndlunar og öryggis kjarnorkugetu til borgaralegra nota, s.s. Paks II-verkefnisins, sem og samstarfs um kjarnorku til borgaralegra nota, einkum á sviði rannsókna og þróunar,“.
- 3) Í stað c-liðar 4. mgr. 2. gr. a kemur eftirfarandi:
- „c) ætlaðar til reksturs, viðhalds, eldsneytisendurmeðhöndlunar og öryggis kjarnorkugetu til borgaralegra nota, s.s. Paks II-verkefnisins, sem og samstarfs um kjarnorku til borgaralegra nota, einkum á sviði rannsókna og þróunar,“.
- 4) Í stað 4. og 5. mgr. 3. gr. kemur eftirfarandi:
- „4. Bönnin í 2. mgr. gilda ekki fyrr en 20. júní 2024 um veitingu trygginga eða endurtrygginga til handa lögaðila, rekstrareiningu eða stofnun sem er skráð eða löglega stofnuð samkvæmt lögum aðildarríkis að því er varðar starfsemi þeirra utan orkugeirans í Rússlandi.
5. Þrátt fyrir 2. mgr. geta lögbær stjórnvöld heimilað, með þeim skilyrðum sem þau telja viðeigandi, veitingu trygginga eða endurtrygginga eftir 20. júní 2024 til handa lögaðila, rekstrareiningu eða stofnun sem er skráð eða löglega stofnuð samkvæmt lögum aðildarríkis að því er varðar starfsemi þeirra utan orkugeirans í Rússlandi.“
- 5) Í 3. gr. a er eftirfarandi málsgrein bætt við:
- „3a. Þrátt fyrir b-lið 1. mgr. þessarar greinar geta lögbær stjórnvöld heimilað, með þeim skilyrðum sem þau telja viðeigandi, starfsemi sem um getur þar eftir að hafa ákvarðað, í samræmi við b-lið 3. mgr. 5. gr. aa, að slík starfsemi sé nauðsynleg til að tryggja rekstur gasverkefnis á djúpsævi í Miðjarðarhafinu þar sem lögaðili, rekstrareining eða stofnun, sem skráð er í XIX. viðauka, var minnihlutahluthafi fyrir 31. október 2017 og er enn, að því tilskildu að verkefnið sé undir fullum eða sameiginlegum yfirráðum eða rekstri lögaðila sem er skráður eða löglega stofnaður samkvæmt lögum aðildarríkis.“
- 6) Í 3. gr. c falla 5. mgr., 5. mgr. a, 5. mgr. b og 5. mgr. c brott.
- 7) Í stað d-liðar 5. mgr. 3. gr. ea kemur eftirfarandi:
- „d) vegna flutnings á kjarnorkueldsneyti og öðrum vörum sem eru algerlega nauðsynlegar fyrir starfsemi kjarnorkugetu til borgaralegra nota, s.s. Paks II-verkefnið.“
- 8) Ákvæðum 3. gr. g er breytt sem hér segir:
- a) Í stað d-liðar 1. mgr. kemur eftirfarandi:
- „d) að flytja inn eða kaupa, frá og með 30. september 2023, með beinum eða óbeinum hætti, járn- og stálvörur sem eru á skrá í XVII. viðauka sem eru unnar í þriðja landi og innihalda járn- og stálvörur sem eru upprunnar í Rússlandi og eru á skrá í XVII. viðauka; að því er varðar vörur sem eru á skrá í XVII. viðauka, sem unnar eru í þriðja landi og innihalda stálvörur sem eru upprunnar í Rússlandi með SN-númer 7207 11 eða 7207 12 10 eða 7224 90, gildir þetta bann frá og með 1. apríl 2024 fyrir SN-númer 7207 11 og frá og með 1. október 2028 fyrir SN-númer 7207 12 10 og 7224 90.
- Að því er varðar beitingu þessa liðar skulu innflytjendur leggja fram sönnun við innflutning um upprunaland járn- og stálaðfanga sem eru notuð við vinnslu framleiðsluvörunnar í þriðja landi nema varan sé flutt inn frá samstarfslandi vegna járn- og stálinnflutnings sem skráð er í XXXVI. viðauka.“
- b) Eftirfarandi liðum er bætt við 4. mgr.:
- „c) 3 185 719 tonn á milli 1. október 2024 og 30. september 2025,

- d) 2 998 324 tonn á milli 1. október 2025 og 30. september 2026,  
e) 2 623 534 tonn á milli 1. október 2026 og 30. september 2027,  
f) 2 061 348 tonn á milli 1. október 2027 og 30. september 2028.“
- c) Eftirfarandi liðum er bætt við 5. mgr. a:  
„c) 124 956 tonn á milli 1. október 2024 og 30. september 2025,  
d) 117 606 tonn á milli 1. október 2025 og 30. september 2026,  
e) 102 905 tonn á milli 1. október 2026 og 30. september 2027,  
f) 80 854 tonn á milli 1. október 2027 og 30. september 2028.“
- d) Í stað 7. mgr. kemur eftirfarandi:  
„7. Þrátt fyrir 1. mgr. geta lögbær stjórnvöld heimilað kaup, innflutning eða tilflutning vara, sem eru á skrá í XVII. viðauka, með þeim skilyrðum sem þau telja viðeigandi, eftir að hafa ákvarðað að slíkt sé nauðsynlegt til að koma á fót kjarnorkugetu til borgaralegra nota, til reksturs hennar, viðhalds, eldsneytis-afhendingar og -endurmeðhöndlunar og öryggis hennar, og til að halda áfram hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnið, til afhendingar forefna til framleiðslu á geislavirkum samsætum til lækninga og svipaðrar læknisfræðilegrar notkunar, eða mikilvægrar tækni til vöktunar á geislun í umhverfinu, sem og til samstarfs um kjarnorku til borgaralegra nota, einkum á sviði rannsókna og þróunar.“
- 9) Í stað 1. mgr. 3. gr. h kemur eftirfarandi:  
„1. Lagt er bann við sölu, afhendingu, tilflutningi eða útflutningi, með beinum eða óbeinum hætti, á munaðarvörum, hvort sem þær eru upprunnar í Sambandinu eða ekki, sem skráðar eru í XVIII. viðauka til einstaklings, lögaðila, rekstrareiningar eða stofnunar í Rússlandi eða til notkunar þar í landi.“
- 10) Ákvæðum 3. gr. i er breytt sem hér segir:  
a) Eftirfarandi málsgreinum er bætt við:  
„3aa. Lögbær stjórnvöld aðildarríkis geta heimilað innflutning á vörum sem eru eingöngu ætlaðar til einkanota einstaklinga sem ferðast til Sambandsins eða nánustu aðstandenda þeirra og takmarkast við persónulegar eigur þessara einstaklinga og sem eru greinilega ekki ætlaðar til sölu.  
3ab. Lögbær stjórnvöld aðildarríkis geta heimilað, með þeim skilyrðum sem þau telja viðeigandi, að inn í Sambandið komi ökutæki sem fellur undir SN-númer 8703 og er ekki ætlað til sölu og er í eigu borgara aðildarríkis eða náins aðstandanda sem er búsettur í Rússlandi sem ekur ökutækinu til Sambandsins einungis í persónulegum tilgangi.  
3ac. Bannið í 1. mgr. skal ekki gilda um komu vélknúinna ökutækja sem falla undir SN-númer 8703 inn í Sambandið ef þau bera diplómatiskt skráningarmarki og eru nauðsynleg vegna starfsemi sendi- og ræðisskrifstofa, þ.m.t. sendinefnda, sendiráða og fastanefnda, eða alþjóðastofnana sem njóta friðhelgi að þjóðarétti, eða til einkanota starfsfólks þeirra og nánustu aðstandenda þeirra.  
3ad. Bannið í 1. mgr. kemur ekki í veg fyrir að ökutæki sem þegar eru á yfirráðasvæði Sambandsins 19. desember 2023 séu skráð í aðildarríki.  
3ca. Að því er varðar vörur sem falla undir SN-númer 7205, 7408, 7604, 7605, 7607 og 7608 gilda bönnin í 1. og 2. mgr. ekki fyrir en 20. mars 2024 um efndir samninga sem gerðir voru fyrir 19. desember 2023 eða fylgisamninga sem nauðsynlegir eru vegna framkvæmdar slíkra samninga.  
3cb. Að því er varðar vörur sem falla undir SN-númer 2711 12, 2711 13, 2711 14, 2711 19 og 7202 gilda bönnin í 1. og 2. mgr. ekki fyrir en 20. desember 2024 um efndir samninga sem gerðir voru fyrir 19. desember 2023 eða fylgisamninga sem nauðsynlegir eru vegna framkvæmdar slíkra samninga.  
3cc. Að því er varðar vörur sem falla undir SN-númer 7201 gilda bönnin í 1. og 2. mgr. ekki um innflutning, kaup eða flutning eða tengda tækniaðstoð eða fjárhagsaðstoð á eftirfarandi magni vara:  
a) 1 140 000 tonn á milli 19. desember 2023 og 31. desember 2024,  
b) 700 000 tonn á milli 1. janúar 2025 og 31. desember 2025.  
3cd. Að því er varðar vörur sem falla undir SN-númer 7203 gilda bönnin í 1. og 2. mgr. ekki um innflutning, kaup eða flutning eða tengda tækniaðstoð eða fjárhagsaðstoð á eftirfarandi magni vara:  
a) 1 140 836 tonn á milli 19. desember 2023 og 31. desember 2024,  
b) 651 906 tonn á milli 1. janúar 2025 og 31. desember 2025.“

## b) Í stað 3. mgr. c kemur eftirfarandi:

„3c. Þrátt fyrir 1. og 2. mgr. geta lögbær stjórnvöld heimilað kaup, innflutning eða tilflutning vara, sem eru á skrá í XXI. viðauka, eða veitingu tengdrar tækni- og fjárhagsaðstoðar, með þeim skilyrðum sem þau telja viðeigandi, eftir að hafa ákvarðað að slíkt sé nauðsynlegt til að koma á fót kjarnorkugetu til borgaralegra nota, til reksturs hennar, viðhalds, eldsneytisafhendingar og -endurmeðhöndlunar og öryggis hennar, og til að halda áfram hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnið, til afhendingar forefna til framleiðslu á geislavirkum samsætum til lækninga og svipaðrar læknisfræðilegrar notkunar, eða mikilvægrar tækni til vöktunar á geislun í umhverfinu, sem og til samstarfs um kjarnorku til borgaralegra nota, einkum á sviði rannsókna og þróunar.“

## c) Í stað 5. mgr. kemur eftirfarandi:

„5. Framkvæmdastjórnin og aðildarríkin skulu stýra magni innflutningskvóta, sem sett er fram í 3. mgr. cc, 3. mgr. cd, 3. mgr. da og 4. mgr. þessarar greinar, í samræmi við stjórnunarkerfið fyrir tollkvóta sem kveðið er á um í 49.–54. gr. framkvæmdarreglugerðar framkvæmdastjórnarinnar (ESB) 2015/2447.“

## d) Í stað 6. mgr. kemur eftirfarandi:

„6. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 3. mgr. c og 3. mgr. e innan tveggja vikna frá því að hún er veitt.“

## 11) Ákvæðum 3. gr. k er breytt sem hér segir:

## a) Í stað 1. mgr. kemur eftirfarandi:

„1. Lagt er bann við sölu, afhendingu, tilflutningi eða útflutningi, með beinum eða óbeinum hætti, á vörum sem einkum gætu stuðlað að því að efla getu Rússlands á sviði iðnaðar, hvort sem þær eru upprunnar í Sambandinu eða ekki, sem eru á skrá í XXIII. viðauka, til einstaklings, lögaðila, rekstrareiningar eða stofnunar í Rússlandi eða til notkunar þar í landi.“

## b) Eftirfarandi málsgrein er bætt við:

„1a. Lagt er bann við umflutningi um yfirráðasvæði Rússlands á vörum og tækni sem eru á skrá í XXXVII. viðauka og eru fluttar út frá Sambandinu.“

## c) Ákvæði 3. mgr., 3. mgr. a og 3. mgr. b falla brott.

## d) Eftirfarandi málsgreinum er bætt við:

„3aa. Að því er varðar vörur sem falla undir SN-númerin sem skráð eru í viðauka XXIIIA gilda bönnin í 1. og 2. mgr. ekki fyrr en 20. mars 2024 um efndir samninga sem gerðir voru fyrir 19. desember 2023 eða fylgisamninga sem nauðsynlegir eru vegna framkvæmdar slíkra samninga.

3ab. Að því er varðar vörur sem falla undir SN-númerin sem skráð eru í viðauka XXIIIB gilda bönnin í 1. og 2. mgr. ekki fyrr en 20. júní 2024 um efndir samninga sem gerðir voru fyrir 19. desember 2023 eða fylgisamninga sem nauðsynlegir eru vegna framkvæmdar slíkra samninga.“

## e) Í stað c-liðar 5. mgr. kemur eftirfarandi:

„c) til að koma á fót kjarnorkugetu til borgaralegra nota, til reksturs hennar, viðhalds, eldsneytisafhendingar og -endurmeðhöndlunar og öryggis hennar, og til að halda áfram hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnið, til afhendingar forefna til framleiðslu á geislavirkum samsætum til lækninga og svipaðrar læknisfræðilegrar notkunar, eða mikilvægrar tækni til vöktunar á geislun í umhverfinu, sem og til samstarfs um kjarnorku til borgaralegra nota, einkum á sviði rannsókna og þróunar.“

## f) Eftirfarandi málsgrein er bætt við:

„5c. Þrátt fyrir 1. mgr. a geta lögbær stjórnvöld heimilað umflutning um yfirráðasvæði Rússlands á vörum og tækni sem einkum gætu stuðlað að því að efla getu Rússlands á sviði iðnaðar, sem eru á skrá í XXXVII. viðauka, eftir að hafa ákvarðað að nota eigi að slíkar vörur eða tækni í þeim tilgangi sem settur er fram í 5. mgr. og 5. mgr. b í þessari grein.“

## g) Í stað 7. mgr. kemur eftirfarandi:

„7. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 5. mgr., 5. mgr. a, 5. mgr. b og 5. mgr. c innan tveggja vikna frá því að hún er veitt.“

## 12) Ákvæðum 3. gr. l er breytt sem hér segir:

## a) Ákvæði 3. mgr. og 3. mgr. a falla brott.

b) Í stað a-liðar 4. mgr. kemur eftirfarandi:

„a) nema það sé bannað með öðrum hætti, vegna kaupa, innflutnings eða flutnings til Sambandsins á jarðgasi og olíu, þ.m.t. hreinsuðum olíuvörum, auk titans, áls, kopars, nikkels, palladíums og járngrýtis,“.

13) Ákvæðum 3. gr. m er breytt sem hér segir:

a) Í stað inngangsorðanna í 6. mgr. kemur eftirfarandi:

„6. Frá og með 5. febrúar 2023, og þrátt fyrir 1. og 2. mgr., geta lögbær stjórnvöld í Króatíu heimilað fram til 31. desember 2024 kaup, innflutning eða tilfærslu á undirþrýstieimaðri gasolíu sem fellur undir SN-númer 2710 19 71 sem er upprunnin í Rússlandi eða flutt út þaðan, að því tilskildu að eftirfarandi skilyrði séu uppfyllt:“.

b) Í stað fjórðu undirgreinar 8. mgr. kemur eftirfarandi:

„Þrátt fyrir þetta skal tímabundið beita banninu, sem um getur í þriðju undirgrein, frá og með 5. desember 2024 að því er varðar innflutning og tilfærslu til Tékklands og sölu til kaupenda í Tékklandi á jarðolíuafurðum sem eru fengnar úr hráolíu sem hefur verið flutt með leiðslum til annars aðildarríkis eins og um getur í d-lið 3. mgr. Ef aðrar birgðir af slíkum jarðolíuafurðum standa Tékklandi til boða fyrir þann dag skal ráðið fella tímabundnu undanþáguna úr gildi. Á tímabilinu fram til 5. desember 2024 skal magn slíkra jarðolíuafurða sem fluttar eru inn til Tékklands frá öðrum aðildarríkjum ekki vera meira en það meðalmagn sem flutt er inn til Tékklands frá þessum öðrum aðildarríkjum á sama tímabili á næstliðnum fimm árum.“

14) Ákvæðum 3. gr. n er breytt sem hér segir:

a) Eftirfarandi málsgrein er bætt við:

„6a. Til beitingar a-liðar 4. og 6. mgr., þegar um er að ræða rússneska hráolíu eða jarðolíuafurðir sem eru á skrá í XXV. viðauka og settar eru um borð í skip 20. febrúar 2024 eða síðar, skulu þjónustuveitendur sem ekki hafa aðgang að kaupverði slíkra vara á tunnu sem um getur í XXVIII. viðauka afla sundurliðaðra verðupplýsinga um aukakostnað sem rekstraraðilar ofar í aðfangakeðjunni í viðskiptum með rússneska hráolíu og jarðolíuafurðir láta í té. Slíkar sundurliðaðar verðupplýsingar skulu veittar mótaðilum og lögbærum stjórnvöldum að beiðni þeirra til að unnt sé að sannprófa að farið sé að þessari grein.“

b) Ákvæði 8. mgr. falla brott.

15) Eftirfarandi greinum er bætt við:

„3. gr. na

Til að auðvelda framkvæmd og framfylgd 3. gr. m og 3. gr. n skulu framkvæmdastjórnin og aðildarríkin skiptast reglulega á upplýsingum til að bera frekari kennsl á skip og rekstrareiningar sem grunur leikur á um að viðhafi villandi viðskiptahætti með einum eða öðrum hætti þegar þau flytja rússneska hráolíu og jarðolíuafurðir.

Upplýsingar sem móttæknar eru í samræmi við þessa reglugerð skal einungis nota í þeim tilgangi sem óskað var eftir þeim.

3. gr. p

1. Frá og með 1. janúar 2024 er lagt bann við kaupum, innflutningi eða tilflutningi, með beinum eða óbeinum hætti, á demöntum og vörum með demöntum, eins og skráð er í A-, B- og C-hluta viðauka XXXVIII A, ef þeir eru upprunnir í Rússlandi eða hafa verið fluttir út frá Rússlandi til Sambandsins eða til þriðja lands.

2. Frá og með 1. janúar 2024 er lagt bann við kaupum, innflutningi eða tilflutningi, með beinum eða óbeinum hætti, á demöntum og vörum með demöntum, eins og skráð er í A-, B- og C-hluta viðauka XXXVIII A, hver sem uppruni þeirra er, ef þeir voru fluttir um yfirráðasvæði Rússlands.

3. Frá og með 1. mars 2024 er lagt bann við kaupum, innflutningi eða tilflutningi, með beinum eða óbeinum hætti, á vörum sem skráðar eru í A-hluta viðauka XXXVIII A, sem eru unnar í þriðja landi og eru demantar sem eru upprunnir í Rússlandi eða fluttir út frá Rússlandi og vega a.m.k. 1.0 karat hver demantur.

4. Frá og með 1. september 2024 er lagt bann við kaupum, innflutningi eða tilflutningi, með beinum eða óbeinum hætti, á vörum sem skráðar eru í A-, B- og C-hluta viðauka XXXVIII A, sem eru unnar í þriðja landi og eru eða innihalda demanta sem eru upprunnir í Rússlandi eða fluttir út frá Rússlandi og vega a.m.k. 0,5 karót eða 0,1 gramm hver demantur.

5. Lagt er bann við því að:

- a) veita tækniástoð, miðlunarpjónustu eða aðra þjónustu, sem tengist vörum sem um getur í 1.–4. mgr., og við því að útvega, framleiða, viðhalda og nota þessar vörur, með beinum eða óbeinum hætti, í tengslum við bannið í 1.–4. mgr.,
  - b) veita fjármögnun eða fjárhagsástoð, sem tengist vörum sem um getur í 1.–4. mgr., vegna kaupa, innflutnings eða tilflutnings þessara vara eða sem tengist því að veita tengda tækniástoð, miðlunarpjónustu eða aðra þjónustu, með beinum eða óbeinum hætti, í tengslum við bannið í 1.–4. mgr.
6. Bannið í 1.–4. mgr. gildir ekki um vörur, sem eru á skrá í C-hluta viðauka XXXVIII, og eru til einkanota fyrir einstaklinga sem ferðast til Sambandsins eða nánustu aðstandendur þeirra sem ferðast með þeim, eru í eigu þessara einstaklinga og ekki ætlaðar til sölu.
7. Þrátt fyrir 1.–4. mgr. geta lögbær stjórnvöld heimilað tilflutning eða innflutning á menningarverðmætum sem eru í láni innan ramma formlegs menningarsamstarfs við Rússland.
8. Að því er varðar 3. og 4. mgr. skulu vörur, sem falla undir SN-númer 7102 31 00 og 7102 10 00 og fluttar eru inn í Sambandið, tafarlaust lagðar fram til sannprófunar ásamt gögnum sem votta uppruna þeirra, hjá stjórnvaldinu sem tilgreint er í viðauka XXXVIII B. Aðildarríkið þar sem þessar vörur voru fluttar inn á tollsvæði Sambandsins skal tryggja að þær séu lagðar fram hjá stjórnvaldinu sem tilgreint er í viðauka XXXVIII B. Heimilt er að veita leyfi fyrir tollmeðferð við umflutning í þessu skyni. Ef veitt er leyfi fyrir tollmeðferð við umflutning skal fresta sannprófuninni, sem kveðið er á um í þessari málsgrein, uns stjórnvaldið sem tilgreint er í viðauka XXXVIII B hefur tekið við vörunum. Innflytjandinn skal vera ábyrgur fyrir réttum flutningi varanna og bera kostnað af honum.
9. Allar sannprófanir, sem farið er fram á samkvæmt 8. mgr., skulu fara fram í samræmi við reglur og verklagsreglur sem mælt er fyrir um í reglugerð ráðsins (EB) 2368/2002<sup>(\*)</sup> sem skulu gilda að breyttu breytanda.
10. Að því er varðar 3. og 4. mgr. skulu innflytjendur leggja fram sönnun við innflutning um upprunaland demantanna eða varanna sem innihalda demanta sem eru notuð sem ílag við vinnslu framleiðsluvörunnar í þriðja landi.
- Frá og með 1. september 2024 skal sönnun byggð á rekjanleika innihalda samsvarandi vottorð um að námugróftur, vinnsla eða framleiðsla demantanna hafi ekki farið fram í Rússlandi.

### 3. gr. q

1. Lagt er bann við því að ríkisborgarar aðildarríkis, einstaklingar sem eru búsettir í aðildarríki og lögaðilar, rekstrareiningar eða stofnanir með staðfestu í Sambandinu selji eða yfirfæri með öðrum hætti eignarhald, með beinum eða óbeinum hætti, á tankskipum sem falla undir ST-númer úr 8901 20, til flutninga á hráolíu eða jarðolíuafurðum sem eru á skrá í XXV. viðauka, til einstaklings eða lögaðila, rekstrareiningar eða stofnunar í Rússlandi eða til nota þar í landi, hvort sem þau eru upprunnin í Sambandinu eða ekki.
  2. Þrátt fyrir 1. mgr. geta lögbær stjórnvöld heimilað, með þeim skilyrðum sem þau telja við hæfi, sölu eða aðra yfirfærslu á eignarhaldi tankskipa sem falla undir ST-númer úr 8901 20 til flutninga á hráolíu eða jarðolíuafurðum sem eru skráð í XXV. viðauka.
  3. Við afgreiðslu beiðna um heimildina sem um getur í 2. mgr. þessarar greinar skulu lögbær stjórnvöld ekki veita leyfi fyrir sölu eða annari yfirfærslu á eignarhaldi til einstaklinga eða lögaðila, rekstrareininga eða stofnana í Rússlandi, eða til nota í Rússlandi, ef þau hafa réttmæta ástæðu til að ætla að tankskipið verði notað til að flytja, eða verði endurútflytt til að flytja, hráolíu eða jarðolíuafurðir á skrá í XXV. viðauka, sem eru upprunnar í Rússlandi eða fluttar út frá Rússlandi til innflutnings til Sambandsins í bága við 3. gr. m, eða til flutninga til þriðju landa á hærri kaupverði á tunnu en verðið sem mælt er fyrir um í XXVIII. viðauka.
  4. Tilkynna skal lögbærum stjórnvöldum aðildarríkis þar sem eigandi tankskips er ríkisborgari, hefur búsetu eða staðfestu, tafarlaust um sölu, eða annað fyrirkomulag sem felur í sér yfirfærslu á eignarhaldi, til þriðja lands af hálfu ríkisborgara aðildarríkis, einstaklings sem hefur búsetu í aðildarríki og lögaðila, rekstrareiningar eða stofnunar með staðfestu í Sambandinu á tankskipum sem falla undir ST-númer úr 8901 20 til flutninga á hráolíu eða jarðolíuafurðum sem eru skráð í XXV. viðauka, að undanskilinni sölu eða annari yfirfærslu á eignarhaldi sem bönnuð er skv. 1. mgr.
- Tilkynningin til lögbæra stjórnvaldsins skal innihalda a.m.k. eftirfarandi upplýsingar: hver seljandi og kaupandi eru og, þar sem við á, stofnsamþykktir seljanda og kaupanda, þ.m.t. hlutafjäreign og stjórnendur, auðkennisnúmer Alþjóðasiglingamálastofnunar fyrir tankskipið og kallmerki skipsins.
5. Tilkynna skal lögbærum stjórnvöldum fyrir 20. febrúar 2024 um sérhverja sölu eða aðra yfirfærslu á eignarhaldi tankskipa eins og um getur í 1. og 4. mgr. sem fram fer á tímabilinu eftir 5. desember 2022 til 19. desember 2023.

6. Viðkomandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 2. mgr. og um hverja tilkynningu skv. 4. og 5. mgr. innan tveggja vikna frá heimildinni eða tilkynningunni.“

16) Í stað 6. og 7. mgr. 5. gr. kemur eftirfarandi:

„6. Lagt er bann við því að koma á, með beinum eða óbeinum hætti, fyrirkomulagi, eða vera hluti af því, varðandi gerð:

- i. nýrra lána með yfir 30 daga binditíma til lögaðila, rekstrareiningar eða stofnunar, sem um getur í 1. eða 3. mgr., á tímabilinu eftir 12. september 2014 til 26. febrúar 2022 eða
- ii. nýrra lána til lögaðila, rekstrareiningar eða stofnunar, sem um getur í 1., 2., 3. eða 4. mgr. eftir 26. febrúar 2022.

Bannið gildir ekki um:

- a) lán sem hafa það tilgreinda og skráða markmið að láta í té fjármögnun til innflutnings eða útflutnings á vörum og þjónustu sem er ekki fjármálaþjónusta, sem falla ekki undir bann, milli Sambandsins og þriðja ríkis, að meðtöldum útgjöldum vegna vara og þjónustu frá öðru þriðja ríki sem nauðsynleg eru til framkvæmdar á útflutnings- eða innflutningssamningum, að því tilskildu að lögbært innlent stjórnvald hafi fengið tilkynningu innan þriggja mánaða frá dagsetningu lánsins, eða
- b) lán sem hafa það tilgreinda og skráða markmið að láta í té neyðarfjármagn til að uppfylla viðmiðanir um gjaldþol og greiðsluhæfi vegna lögaðila með staðfestu í Sambandinu sem eru yfir 50% í eigu rekstrareiningar sem um getur í III. viðauka, að því tilskildu að lögbært innlent stjórnvald hafi fengið tilkynningu innan þriggja mánaða frá dagsetningu lánsins.

7. Bannið í 6. mgr. gildir ekki um lánanýtingu eða -greiðslur samkvæmt samningi sem gerður var fyrir 26. febrúar 2022, að því tilskildu að eftirfarandi skilyrði hafi verið uppfyllt:

- a) allir skilmálar og skilyrði slíkra lánanýtinga eða -greiðslna:
  - i. voru samþykkt fyrir 26. febrúar 2022 og
  - ii. hefur ekki verið breytt á þeim degi eða eftir þann dag,
- b) samningsbundinn gjalddagi fyrir fulla endurgreiðslu allra fjármuna sem gerðir voru aðgengilegir og fyrir niðurfellingu allra skuldbindinga, réttinda og skyldna samkvæmt samningnum var ákveðinn fyrir 26. febrúar 2022,
- c) þegar samningurinn var gerður braut hann ekki í bága við gildandi bönn í þessari reglugerð á þeim tíma og
- d) lögbært innlent stjórnvald hefur fengið tilkynningu innan þriggja mánaða frá dagsetningu lánanýtingarinnar eða -greiðslanna.

Þeir skilmálar og skilyrði lánanýtingar og -greiðslna, sem um getur í a-lið, fela í sér ákvæði um lengd endurgreiðslutímabils fyrir hverja lánanýtingu eða -greiðslu, vexti eða aðferð við útreikning vaxta ásamt hámarksupphæð.“

17) Í stað 2. og 3. mgr. 5. gr. a kemur eftirfarandi:

„2. Lagt er bann við því að koma á, með beinum eða óbeinum hætti, fyrirkomulagi, eða vera hluti af því, varðandi veitingu nýrra lána til lögaðila, rekstrareininga eða stofnana sem um getur í 1. mgr. eftir 23. febrúar 2022.

Bannið gildir ekki um lán sem hafa það tilgreinda og skráða markmið að láta í té fjármögnun til innflutnings eða útflutnings á vörum og þjónustu sem er ekki fjármálaþjónusta, sem falla ekki undir bann, milli Sambandsins og þriðja ríkis, að meðtöldum útgjöldum vegna vara og þjónustu frá öðru þriðja ríki sem nauðsynleg eru til framkvæmdar á útflutnings- eða innflutningssamningum, að því tilskildu að lögbært innlent stjórnvald hafi fengið tilkynningu innan þriggja mánaða frá dagsetningu lánsins.

3. Bannið í 2. mgr. gildir ekki um lánanýtingu eða -greiðslur samkvæmt samningi sem gerður var fyrir 23. febrúar 2022, að því tilskildu að eftirfarandi skilyrði hafi verið uppfyllt:

- a) allir skilmálar og skilyrði slíkra lánanýtinga eða -greiðslna:
  - i. voru samþykkt fyrir 23. febrúar 2022 og
  - ii. hefur ekki verið breytt á þeim degi eða eftir þann dag,

- b) samningsbundinn gjalddagi fyrir fulla endurgreiðslu allra fjármuna sem gerðir voru aðgengilegir og fyrir niðurfellingu allra skuldbindinga, réttinda og skyldna samkvæmt samningnum var ákveðinn fyrir 23. febrúar 2022 og
- c) lögbært innlent stjórnvald hefur fengið tilkynningu innan þriggja mánaða frá dagsetningu lánanýtingarinnar eða -greiðslnanna.

Þeir skilmálar og skilyrði lánanýtingar og -greiðslna, sem um getur í a-lið, fela í sér ákvæði um lengd endurgreiðslutímabils fyrir hverja lánanýtingu eða -greiðslu, vexti eða aðferð við útreikning vaxta ásamt hámarksupphæð.“

18) Ákvæðum 5. gr. aa er breytt sem hér segir:

- a) Ákvæði 2. mgr., 2. mgr. b og 2. mgr. d falla brott.
- b) Í stað inngangsorðanna í 3. mgr. kemur eftirfarandi:  
„Nema það sé bannað með öðrum hætti, gildir bannið í 1. mgr. ekki um.“.
- c) Í stað d-liðar 3. mgr. kemur eftirfarandi:  
„d) viðskipti, þ.m.t. sölur, sem eru algerlega nauðsynleg vegna slita, fyrir 31. desember 2024, á fyrirtæki um sameiginlegt verkefni eða svipuðu lagalegu fyrirkomulagi sem gert er fyrir 16. mars 2022 og tekur til lögaðila, rekstrareiningar eða stofnunar sem um getur í 1. mgr.“.
- d) Í 3. mgr. fellur h-liður brott.
- e) Í stað 3. mgr. a kemur eftirfarandi:  
„3a. Þrátt fyrir 1. mgr. geta lögbær stjórnvöld heimilað viðskipti, með þeim skilyrðum sem þau telja viðeigandi, sem eru algerlega nauðsynleg til að rekstrareiningarnar sem um getur í 1. mgr. eða dótturfélag þeirra í Sambandinu geti, fyrir 31. desember 2024, losað um fjárfestingar sínar og dregið sig út úr lögaðila, rekstrareiningu eða stofnun með staðfestu í Sambandinu.“

19) Ákvæðum 5. gr. b er breytt sem hér segir:

- a) Eftirfarandi málsgrein er bætt við:  
„2a. Lagt er bann við því, frá og með 18. janúar 2024, að heimila rússneskum ríkisborgurum eða einstaklingum með búsetu í Rússlandi að eiga eða stjórna, með beinum eða óbeinum hætti, lögaðila, rekstrareiningu eða stofnun sem er skráð eða löglega stofnuð samkvæmt lögum aðildarríkis og veitir þá þjónustu sem um getur í 2. mgr., eða gegna störfum í stjórnnum þeirra.“
- b) Í stað 3. mgr. kemur eftirfarandi:  
„3. Ákvæði 1. og 2. mgr. og 2. mgr. a gilda ekki um ríkisborgara aðildarríkis, lands sem á aðild að Evrópska efnahagssvæðinu eða Sviss eða um einstaklinga sem hafa tímabundið dvalarleyfi eða búsetuleyfi í aðildarríki, landi sem á aðild að Evrópska efnahagssvæðinu eða Sviss.“

20) Í stað a-liðar 2. mgr. 5. gr. k kemur eftirfarandi:

„a) til reksturs kjarnorkugetu til borgaralegra nota, viðhalds hennar, óvirkjunar og meðhöndlunar geislavirks úrgangs hennar, eldsneytisafhendingar og -endurmeðhöndlunar og öryggis hennar, og til að halda áfram hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnisins, sem og til afhendingar forefna til framleiðslu á geislavirkum samsætum til lækninga og svipaðrar læknisfræðilegrar notkunar, mikilvægrar tækni til vöktunar á geislun í umhverfinu, sem og til samstarfs um kjarnorku til borgaralegra nota, einkum á sviði rannsókna og þróunar.“

21) Í stað d-liðar 2. mgr. 5. gr. l kemur eftirfarandi:

„d) rekstur kjarnorkugetu til borgaralegra nota, viðhald hennar, óvirkjun og meðhöndlun geislavirks úrgangs hennar, eldsneytisafhendingu og -endurmeðhöndlun og öryggi hennar, og áframhaldandi hönnun, byggingu og gangsetningu sem þarf til að ljúka við kjarnorkustöðvar til borgaralegra nota, s.s. Paks II-verkefnið, sem og afhendingu forefna til framleiðslu á geislavirkum samsætum til lækninga og svipaðrar læknisfræðilegrar notkunar, mikilvæga tækni til vöktunar á geislun í umhverfinu, sem og samstarf um kjarnorku til borgaralegra nota, einkum á sviði rannsókna og þróunar.“

22) Ákvæðum 5. gr. n er breytt sem hér segir:

- a) Í stað inngangsorðanna í 2. mgr. a kemur eftirfarandi:  
„2a. Lagt er bann við því að veita, beint eða óbeint, þjónustu á sviði markaðsrannsókna og skoðanakannana, þjónustu tengda tæknilegum prófunum og greiningu og auglýsingaþjónustu.“

b) Eftirfarandi málsgrein er bætt við:

„2b. Lagt er bann við því að selja, afhenda, tilfæra, flytja út eða útvega eftirfarandi aðilum, beint eða óbeint, hugbúnað til fyrirtækjastjórnunar og hugbúnað til hönnunar og framleiðslu á sviði iðnaðar sem færður er á skrá í XXXIX. viðauka:

a) ríkisstjórn Rússlands eða

b) lögaðilum, rekstrareiningum eða stofnunum með staðfestu í Rússlandi.“

c) Ákvæði 3. og 4. mgr. og 4. mgr. a falla brott.

d) Eftirfarandi málsgrein er bætt við:

„3a. Lagt er bann við því að:

a) veita ríkisstjórn Rússlands eða lögaðilum, rekstrareiningum eða stofnunum með staðfestu í Rússlandi beint eða óbeint tækniástoð, miðlunarþjónustu eða aðra þjónustu, sem tengist þeim vörum og þjónustu sem um getur í 1. og 2. mgr., 2. mgr. a og 2. mgr. b,

b) veita ríkisstjórn Rússlands eða lögaðilum, rekstrareiningum eða stofnunum með staðfestu í Rússlandi beint eða óbeint fjármögnun eða fjárhagsástoð sem tengist því að útvega þær vörur og þjónustu sem um getur í 1. og 2. mgr., 2. mgr. a og 2. mgr. b eða því að veita tengda tækniástoð, miðlunarþjónustu eða aðra þjónustu.“

e) Eftirfarandi málsgrein er bætt við:

„4b. Ákvæði 2. mgr. b gilda ekki um sölu, afhendingu, tilfærslu, útflutning eða útvegum hugbúnaðar sem er algerlega nauðsynlegur til að slíta, eigi síðar en 20. mars 2024, samningum sem eru ekki í samræmi við þessa grein og voru gerðir fyrir 19. desember 2023 eða fylgisamningum sem nauðsynlegir eru vegna framkvæmdar slíkra samninga.“

f) Í stað 7. mgr. kemur eftirfarandi:

„7. Ákvæði 1. og 2. mgr., 2. mgr. a og 2. mgr. b gilda ekki fyrir en 20. júní 2024 um sölu, afhendingu, tilfærslu, útflutning eða veitingu þjónustu sem er eingöngu ætluð til einkanota lögaðila, rekstrareininga eða stofnana með staðfestu í Rússlandi sem eru í eigu eða lúta einvörðungu eða sameiginlegri stjórn lögaðila, rekstrareiningar eða stofnunar sem er skráð eða löglega stofnuð samkvæmt lögum aðildarríkis, lands sem á aðild að Evrópska efnahagssvæðinu, Sviss eða samstarfslands eins og skráð er í VIII. viðauka.“

g) Í stað 8. mgr. kemur eftirfarandi:

„8. Ákvæði 2. mgr., 2. mgr. a og 2. mgr. b gilda ekki um sölu, afhendingu, tilfærslu, útflutning eða veitingu þjónustu sem er nauðsynleg vegna neyðarástands í heilbrigðismálum, til að koma án tafar í veg fyrir eða milda atburð sem líklegt má telja að hafi alvarleg og veruleg áhrif á heilbrigði og öryggi manna eða umhverfið eða til að bregðast við náttúruhamförum.“

h) Ákvæði 9. mgr. falla brott.

i. Eftirfarandi málsgrein er bætt við:

„9b. Þrátt fyrir ákvæði 2. mgr. b geta lögbær stjórnvöld heimilað veitingu þeirrar þjónustu sem um getur þar, með þeim skilyrðum sem þau telja viðeigandi, eftir að hafa ákvarðað að þessi þjónusta sé nauðsynleg fyrir framlag rússneskra ríkisborgara til alþjóðlegra verkefna um opinn aðgang.“

j) Ákvæðum 10. mgr. er breytt sem hér segir:

a) Í stað inngangsorðanna kemur eftirfarandi:

„10. Þrátt fyrir ákvæði 1. mgr., 2. mgr., 2. mgr. a, 2. mgr. b og 3. mgr. a geta lögbær stjórnvöld heimilað þá þjónustu sem um getur í þeim, með þeim skilyrðum sem þau telja viðeigandi, eftir að hafa ákvarðað að þetta sé nauðsynlegt.“

b) Í stað f-liðar kemur eftirfarandi:

„f) til að koma á fót kjarnorkugetu til borgaralegra nota, til reksturs hennar, viðhalds, eldsneytisafhend-  
ingar og -endurmeðhöndlunar og öryggis hennar, og til að halda áfram hönnun, byggingu og gang-  
setningu sem þarf til að ljúka við kjarnorkustöðvar til borgaralegra nota, s.s. Paks II-verkefnið, til  
afhendingar forefna til framleiðslu á geislavirkum samsætum til lækninga og svipaðrar læknisfræði-  
legrar notkunar, eða mikilvægar tækni til vöktunar á geislun í umhverfinu, sem og til samstarfs um  
kjarnorku til borgaralegra nota, einkum á sviði rannsókna og þróunar.“

c) Eftirfarandi lið er bætt við:



„h) til einkanota lögaðila, rekstrareininga eða stofnana með staðfestu í Rússlandi sem eru í eigu eða lúta einvörðungu eða sameiginlegri stjórn lögaðila, rekstrareiningar eða stofnunar sem er skráð eða löglega stofnuð samkvæmt lögum aðildarríkis, lands sem á aðild að Evrópska efnahagssvæðinu, Sviss eða samstarfslands eins og skráð er í VIII. viðauka.“

k) Í stað 11. mgr. kemur eftirfarandi:

„11. Hlutaðeigandi aðildarríki skal tilkynna hinum aðildarríkjunum og framkvæmdastjórninni um sérhverja heimild sem veitt er skv. 9. mgr. a, 9. mgr. b og 10. mgr. innan tveggja vikna frá því að hún er veitt.“

23) Í 5. gr. f fellur 2. mgr. brott.

24) Eftirfarandi grein er bætt við:

„5. gr. r

1. Lögaðilar, rekstrareiningar og stofnanir með staðfestu í Sambandinu sem, með beinum eða óbeinum hætti, eru yfir 40% í eigu:

- a) lögaðila, rekstrareiningar eða stofnunar með staðfestu í Rússlandi,
- b) rússnesks ríkisborgara eða
- c) einstaklings sem er búsettur í Rússlandi,

skulu, frá og með 1. maí 2024, gefa lögbæru stjórnvaldi aðildarríkisins þar sem þau hafa staðfestu, innan tveggja vikna frá lokum hvers ársfjórðungs, skýrslu um allar millifærslur fjármuna, sem fara yfir 100 000 evrur, út úr Sambandinu sem þeir framkvæmdu á þeim ársfjórðungi, með beinum eða óbeinum hætti, í einni eða fleiri aðgerðum.

2. Þrátt fyrir gildandi reglur varðandi skýrslugjöf, trúnaðarkvaðir og þagnarskyldu skulu lána- og fjármálastofnanir, frá og með 1. júlí 2024 gefa lögbæru stjórnvaldi aðildarríkisins þar sem þær eru staðsettar skýrslu, innan tveggja vikna frá lokum hvers sex mánaða tímabils, um allar millifærslur fjármuna út úr Sambandinu, sem nema samanlagðri fjárhæð sem fer yfir 100 000 evrur á því misseri, sem þær hófu með beinum eða óbeinum hætti, fyrir þá lögaðila, rekstrareiningar og stofnanir sem um getur í 1. mgr.

3. Aðildarríki skulu meta upplýsingarnar sem þeim berast í samræmi við 1. og 2. mgr., til að greina viðskipti, rekstrareiningar og fyrirtækjageira sem gefa til kynna alvarlega hættu á brotum gegn eða sniðgöngu á þessari reglugerð eða reglugerðum ráðsins (ESB) nr. 269/2014, (ESB) nr. 692/2014<sup>(\*)</sup> eða (ESB) 2022/263<sup>(\*\*)</sup>, eða ákvörðunum ráðsins 2014/145/SSUÖ<sup>(\*\*\*)</sup>, 2014/386/SSUÖ<sup>(\*\*\*\*)</sup>, 2014/512/SSUÖ eða (SSUÖ) 2022/266<sup>(\*\*\*)</sup> eða notkun fjármuna í tilgangi sem ekki samræmist þeim og skulu upplýsa hvert annað og framkvæmdastjórnina reglulega um niðurstöður sínar.

4. Á grundvelli upplýsinganna sem berast frá aðildarríkjunum skv. 3. mgr. skal framkvæmdastjórnin endurskoða virkni ráðstafananna, sem kveðið er á um í þessari grein, eigi síðar en 20. desember 2024.“

25) Ákvæðum 6. gr. b er breytt sem hér segir:

a) Eftirfarandi málsgrein er bætt við:

„1a. Að því er varðar 1. mgr. skal trúnaður í samskiptum milli lögmanna og skjólstaðinga þeirra taka til trúnaðar í samskiptum sem varða lögfræðiráðgjöf sem veitt er af öðrum sérfræðingum með málflutningsleyfi samkvæmt landslögum til að flytja mál fyrir skjólstaðinga sína fyrir dómstólum, að svo miklu leyti sem slík lögfræðiráðgjöf er veitt í tengslum við yfirstandandi eða væntanlega dómsmeðferð.“

b) Í stað 4. mgr. kemur eftirfarandi:

„4. Allar upplýsingar, sem eru látnar í té eða veitt viðtaka samkvæmt ákvæðum þessarar greinar, eru eingöngu ætlaðar til notkunar í sama tilgangi og leiddi til þess að þær voru veittar eða þeim veitt viðtaka.“

26) Ákvæðum 12. gr. b er breytt sem hér segir:

a) Í stað inngangsorðanna í 1. mgr. kemur eftirfarandi:

„1. Þrátt fyrir 2. gr., 2. gr. a, 3. gr., 3. gr. b, 3. gr. c, 3. gr. f, 3. gr. h og 3. gr. k geta lögbær stjórnvöld heimilað sölu, afhendingu eða tilflutning á vörum og tækni, sem eru á skrá í II., VII., X., XI., XVI., XVIII., XX. og XXIII. viðauka við þessa reglugerð og í I. viðauka við reglugerð (ESB) 2021/821, sem og sölu, leyfisveitingu eða annars konar framsal á hugverkarétti eða viðskiptaleyndarmálum, sem og veitingu réttar til aðgangs að eða endurnotkunar á hvers kyns efni eða upplýsingum sem njóta verndar hugverkaréttar eða sem fela í sér viðskiptaleyndarmál, sem tengjast vörum og tækni sem um getur hér að framan til 30. júní 2024 ef slík sala, afhending, tilflutningur, leyfisveiting eða veiting réttar til aðgangs eða endurnotkunar er

algerlega nauðsynleg vegna fjárlosunar í Rússlandi eða slíta á atvinnustarfsemi í Rússlandi, að því tilskildu að eftirfarandi skilyrði séu uppfyllt:

b) Í stað 1. mgr. a kemur eftirfarandi:

„1a. Þrátt fyrir 3. gr. geta lögbær stjórnvöld heimilað sölu, afhendingu eða tilflutning á vörum og tækni sem eru á skrá í II. viðauka til 30. september 2024 ef slík sala, afhending eða tilflutningur er algerlega nauðsynlegur til að losa fé í fyrirtæki um sameiginlegt verkefni, sem er skráð eða stofnað samkvæmt lögum aðildarríkis fyrir 24. febrúar 2022, sem rússneskur lögaðili, rekstrareining eða stofnun tekur þátt í og sem rekur grunnvirki fyrir gasleiðslur milli Rússlands og þriðju landa.“

c) Í stað inngangsorðanna í 2. mgr. kemur eftirfarandi:

„2. Þrátt fyrir 3. gr. g og 3. gr. i geta lögbær stjórnvöld heimilað innflutning eða tilflutning á vörum og tækni, sem eru á skrá í XVII. og XXI. viðauka til 30. júní 2024, ef slíkur innflutningur eða tilflutningur er algerlega nauðsynlegur til þess að losa um fjárfestingar í Rússlandi eða slíta atvinnustarfsemi í Rússlandi, að því tilskildu að eftirfarandi skilyrði séu uppfyllt:“

d) Í stað inngangsorðanna í 2. mgr. a kemur eftirfarandi:

„2a. Þrátt fyrir 5. gr. n geta lögbær stjórnvöld heimilað áframhaldandi veitingu þjónustu sem þar er talin upp til 31. júlí 2024 ef slík veiting þjónustu er algerlega nauðsynleg vegna fjárlosunar í Rússlandi eða slíta á atvinnustarfsemi í Rússlandi, að því tilskildu að eftirfarandi skilyrði séu uppfyllt:“

27) Í stað 12. gr. d kemur eftirfarandi:

„12. gr. d

Bannið sem mælt er fyrir um í þessari reglugerð gildir ekki um veitingu lóðsþjónustu sem er nauðsynleg í þágu siglingaöryggis.“

28) Eftirfarandi grein er bætt við:

„12. gr. g

1. Þegar vörur og tækni sem eru á skrá í XI., XX. og XXXV. viðauka við þessa reglugerð, almennar vörur með mikinn forgang sem eru á skrá í XL. viðauka við þessa reglugerð eða skotvopn og skotfæri sem eru á skrá í I. viðauka við reglugerð (ESB) nr. 258/2012 eru seld, afhent, tilfærð eða flutt út til þriðja lands, að undanskildum samstarfslöndunum sem eru á skrá í VIII. viðauka við þessa reglugerð, skulu útflytjendur, frá og með 20. mars 2024, banna samkvæmt samningi endurútflytning til Rússlands og endurútflytning til nota þar í landi.

2. Ákvæði 1. mgr. gilda ekki um efndir samninga, sem gerðir voru fyrir 19. desember 2023, fyrr en 20. desember 2024 eða þann dag sem þeir falla úr gildi, eftir því hvort ber fyrr að.

3. Við beitingu 1. mgr. skulu útflytningaáðilar tryggja að í samningi við þriðja land sem er mótaðili sé að finna fullnægjandi úrræði ef brotið er gegn samningsbundinni skyldu skv. 1. mgr.

4. Ef þriðja landið sem er mótaðili brýtur gegn einhverri samningsbundinni skyldu skv. 1. mgr. skulu útflytjendur tilkynna lögbæru stjórnvaldi aðildarríkisins þar sem þeir eru búsettir eða hafa staðfestu um brotið um leið og þeir verða varir við það.

5. Aðildarríkin skulu upplýsa hvert annað og framkvæmdastjórnina um tilvik þar sem komið hefur í ljós að brotið hefur verið gegn samningsbundinni skyldu skv. 1. mgr. eða hún sniðgengin.“

29) Ákvæðum IV. viðauka er breytt í samræmi við I. viðauka við þessa reglugerð.

30) Ákvæðum VII. viðauka er breytt í samræmi við II. viðauka við þessa reglugerð.

31) Ákvæðum XXI. viðauka er breytt í samræmi við III. viðauka við þessa reglugerð.

32) Ákvæðum XXIII. viðauka er breytt í samræmi við IV. viðauka við þessa reglugerð.

33) Ákvæðum XXIX. viðauka er breytt í samræmi við V. viðauka við þessa reglugerð.

34) Ákvæðum viðauka XXIIIA og XXIIIB er bætt við í samræmi við VI. viðauka við þessa reglugerð.

35) Ákvæðum XXXVI. viðauka er bætt við í samræmi við VII. viðauka við þessa reglugerð.

36) Ákvæðum XXXVII. viðauka er bætt við í samræmi við VIII. viðauka við þessa reglugerð.

37) Ákvæðum viðauka XXXVIII A og XXXVIII B er bætt við í samræmi við IX. viðauka þessarar reglugerðar.

38) Ákvæðum XXXIX. viðauka er bætt við í samræmi við X. viðauka við þessa reglugerð.

39) Ákvæðum XL. viðauka er bætt við í samræmi við XI. viðauka við þessa reglugerð.

## 2. gr.

Reglugerð þessi öðlast gildi daginn eftir að hún birtist í Stjórnartíðindum Evrópusambandsins.  
Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 18. desember 2023.

*Fyrir hönd ráðsins,  
forseti.*

P. NAVARRO RÍOS

<sup>(1)</sup> Stjtið. ESB L, 2023/2874, 18.12.2023, ELI: <http://data.europa.eu/eli/dec/2023/2874/oj>.

<sup>(2)</sup> Reglugerð ráðsins (ESB) nr. 833/2014 frá 31. júlí 2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu (Stjtið. ESB L 229, 31.7.2014, bls. 1).

<sup>(3)</sup> Ákvörðun ráðsins 2014/512/SSUÖ frá 31. júlí 2014 um þvingunaraðgerðir í ljósi aðgerða Rússlands sem grafa undan stöðugleika í Úkraínu (Stjtið. ESB L 229, 31.7.2014, bls. 13).

<sup>(4)</sup> Reglugerð ráðsins (EB) nr. 2368/2002 frá 20. desember 2002 um framkvæmd á vottunarkerfi Kimberley-ferlisins vegna alþjóðlegra viðskipta með óslípaða demanta (Stjtið. EB L 358, 31.12.2002, bls. 28).“

<sup>(5)</sup> Reglugerð ráðsins (ESB) nr. 692/2014 frá 23. júní 2014 að því er varðar þvingunaraðgerðir vegna ólöglegar innlimunar Kríms og Sevastopol (Stjtið. ESB L 183, 24.6.2014, bls. 9).

<sup>(6)</sup> Reglugerð ráðsins (ESB) 2022/263 frá 23. febrúar 2022 um þvingunaraðgerðir til að bregðast við ólöglegri viðurkenningu, hernámi eða innlimun Rússneska sambandsríkisins á tilgreindum yfirráðasvæðum sem lúta ekki stjórn ríkisstjórnar Úkraínu (Stjtið. ESB L 42 I, 23.2.2022, bls. 77).

<sup>(7)</sup> Ákvörðun ráðsins 2014/145/SSUÖ frá 17. mars 2014 um þvingunaraðgerðir með tilliti til aðgerða sem grafa undan eða ógna landamærahelgi, fullveldi og sjálfstæði Úkraínu (Stjtið. ESB L 78, 17.3.2014, bls. 16).

<sup>(8)</sup> Ákvörðun ráðsins 2014/386/SSUÖ frá 23. júní 2014 um þvingunaraðgerðir vegna ólöglegar innlimunar Kríms og Sevastopol (Stjtið. ESB L 183, 24.6.2014, bls. 70).

<sup>(9)</sup> Ákvörðun ráðsins (SSUÖ) 2022/266 frá 23. febrúar 2022 um þvingunaraðgerðir til að bregðast við ólöglegri viðurkenningu, hernámi eða innlimun Rússneska sambandsríkisins á tilteknum svæðum sem lúta ekki stjórn ríkisstjórnar Úkraínu (Stjtið. ESB L 42 I, 23.2.2022, bls. 109).

## VIÐAUKI

[Viðaukinn eru birtir á vef Stjórnartíðinda ESB: <http://data.europa.eu/eli/dec/2023/2878/oj>.

Listar yfir aðila, hluti, tækni eða annað viðfang þvingunaraðgerða, eru birtir á vef Stjórnartíðinda Evrópu-sambandsins. Síðari breytingar og uppfærslur viðaukanna öðlast sjálfkrafa gildi við birtingu á þeim vef, sbr. 3. mgr. 6. gr. laga um framkvæmd alþjóðlegra þvingunaraðgerða og frystingu fjármuna nr. 68/2023.

Vefur Stjórnartíðinda Evrópusambandsins er hér: <http://eurlex.europa.eu>.

Heildarlisti yfir aðila sem eru háðir frystingu fjármuna er hér: [https://ec.europa.eu/info/business-economy-euro/banking-and-finance/international-relations/restrictive-measures-sanctions\\_en#list.](https://ec.europa.eu/info/business-economy-euro/banking-and-finance/international-relations/restrictive-measures-sanctions_en#list.)